



Pag. 5

CEDEHM y Rode Kruis ta uni forza den campaña pa brinda ayudo na hende muhe den necesidad

Diaranson 4 di Maart 2026 www.bondia.com Email: noticia@bondia.com Tel: 582-7800 Fax: 582-7044 1,75 Florin

SEPB, EPI y OABA ta oficialisa cooperacion pa fortalece educacion profesional



Pagina 3

- **Plan Anual di Wardacosta pa 2026 ta conoci**

Pagina 4

- **Aparencia nobo di anker famoso na Seroe Colorado ta gara atencion riba red social**

Pagina 2

- **CBS: Cinco di 12 sector a registra caida di prijs na januari 2026**

Pagina 6

Accion pa cu entrega di arma di candela ilegal




Pagina 6

A rechasa acceso na Directora interino di Curaçao Huis na Den Haag temporalmente



Pagina 8

Argentina: Implosion di submarino na 2017 tabata “previsible”



Pagina 11

Aparencia nobo di anker famoso na Seroe Colorado ta gara atencion riba red social

Diadomingo riba red social a surgi varios publicacion di ambos local y turistanan mustrand cu e anker situa na entrada di Colony—cual ta famoso pa su color cora—ta actualmente ser bao mantenimiento y a ser pinta na color blauw representando nos bandera. Na momento cu potretnan a surgi, hopi den comentario a cuminsa lansa nan pregunta di kico e desaroyo aki lo por ta, cu algun expresando preocupacion si lo deshaci di e color cu e anker tabata famoso p’e permanentemente.

Ta parce cu e cambio aki tabata basta divisivo den comentario, unda algun turista a elogia e cambio pa refleha bandera di Aruba, mientras cu otro no a gusta con el a keda: “It completely disappears against the sea backdrop. A poor design decision,” manera un usuario ta bisa.

Sinembargo, hopi a nota cu e cambio ta bin pa conmemora 40 aña di Aruba su Status Aparte, cual lo ser celebra e luna aki hunto cu Dia di Himno y Bandera. Segun algun comentario ta bisa, e anker lo haya su pintura cora despues di 18 di maart. Segun Sr. Hilario Doncker—voz conoci den pueblo—ta splica riba Facebook, e color blauw en berdad ta pa celebracion di 40 aña di Status Aparte, y di e hecho cu e aña aki Charlie’s Bar lo celebra 85 aña di existencia.

A sigui splica cu e na aña 2005 a pinta e anker cora, pasobra esaki tabata e color favorito di su difunto tata, Charles Brouns Jr. na ken e anker ta dedica. Un usuario—yiu di Charles Brouns Jr.—a agrega cu un di e metanan di su tata tabata pa pone un spotlight riba San Nicolas. Despues

cu e refineria a cera na 1986, tabata cla cu lo mester bin un otro pilar economico den e distrito y asina e monumento di e anker cora a bira un sitio famoso pa local y turistanan awendia. Pa locual ta e cambio den apariencia, sinembargo, no por a verifica si lo pinta e anker cora back, y segun Doncker ta bisa, aparentemente lo tin un conferencia di prensa prome cu dia 18 di maart pa atende e topico aki.

San Nicolas den preparacion pa celebra 40 aña di Status Aparte

E apariencia nobo di e anker no ta e unico desaroyo cu ta tumando luga den e distrito den e ultimo simannan. Gobierno a informa den un comunicado publica ayera di e ultimo desaroyonan cultural cu ta tumando luga den preparacion pa celebra 40 aña di Status Aparte y 50 aña di Himno y Bandera.

Cu esaki a menciona un mural nobo dedica na artista local Julio Bernardo Euson, ken a representa Aruba internacionalmente y a haya reconocimiento riba escenario global. Segun e comunicado ta splica, e aña aki ta marca un momento ideal pa duna reconocimiento na talento local cu ta carga Aruba su nomber cu orguyo riba escenario global. E mural ta situa riba edificio di Chocolate City y ta forma parti di un ambiente cultural mas amplio, e comunicado ta bisa, den cual lo tene exposicion y actividadnan pa subraya e legado di Euson.

Prome minister Mike Eman a señala cu Euson ta un artista di gran importancia pa e isla, a pesar cu mucho kisas no conoce su historia y e impacto cu e tabatin riba nos cultura. “E ta un artista cu a gana mas premio internacionalmente cu cualkier otro Arubiano. Su musica ta forma parti di e alma di Aruba,” el a indica.

E decision pa celebra Dia di Himno y Bandera na San Nicolas tambe ta forma parti di reenforza Pariba di Brug como centro cultural y historico, specialmente riba Bernardstraat, gobierno a informa den otro comunicado.

Parlamentario Otami Tomasia tambe a enfatisa e importancia di e mural, bisando cu e no mester keda solamente



algo bunita pa mira, pero tambe mester forma parti di enseñansa riba nos cultura y historia.

“E personanan aki ta parti di nos historia como isla y como San Nicolas. Nos mester integra esaki den curriculum di nos scolnan. E muchanan mester sa con importante un artista por ta, con Aruba por logra reconocimiento mundial y cuanto premio nos a gana internacionalmente. E mural ta importante, pero e historia mester sigui den enseñansa.”

Segun e parlamentario, e proyecto ta simbolisa algo mas grandi: un señal cu San Nicolas finalmente ta haya atencion y inversion despues di hopi tempo di espera. “E iniciativa aki ta bisa cu nos ta pone bida back na San Nicolas y na nos cayanan. Pa hopi

tempo San Nicolas tabata wardando pa su beurt. Awo nos ta mira movicion.” Actualmente e mural no ta cla ainda.

Segun por a mira riba red social, e reaccion di e ultimo desaroyonan aki tabata generalmente bon ricibi pa ciudadanonan. Gobierno tambe a enfatisa cu algun a expresa nan emocion cu San Nicolas lo porfin haya atencion durante e celebracion mas grandi na Aruba. “Tur cos no por ta pabao so.

San Nicolas tambe ta parti di Aruba. Duna San Nicolas e oportunidad pa celebra 18 di Maart, ta haci nos sinti plenamente parti di e isla.” Segun diferente reaccion, e celebracion na San Nicolas no ta cambia e esencia di e fiesta nacional, pero al contrario, e

ta expande e sentimento di cultura y hospitalidad.

“Si nos kier mira diferencia, nos mester comparti nos cultura. Trece e celebracionakinan cu actividadnan manera mural, canto y proclamacion ta actividadnan hopi positivo. Asina nos ta combina arte cu Dia di Bandera.”

Pues e aña aki ta parce di ta uno particularmente special, unda Aruba lo conmemora y celebra dos evento sumamente importante den nos historia politico, y e biaha aki celebrando e dia nacional den un distrito rico den arte, cultura y historia Arubano.

Nota di redaccion: Algun potret ta di Hilario Doncker y Nancy Gallagher riba Facebook.



SEPB, EPI y OABA ta oficialisa cooperacion pa fortalece educacion profesional



Gobierno di Aruba a marca un momento decisivo den e historia di educacion profesional riba e isla cu e oficialisacion di un acuerdo di cooperacion entre tres instituto fundamental: Stichting SEP, EPI y OABA. E firma di e acuerdo, cual a tuma lugar den presencia di minister di Enseñansa Gerlien Croes, ta simbolisa no solamente un acto formal, pero tambe e inicio di un etapa nobo den consolidacion di MBO na Aruba.

Segun minister Croes, esaki ta un momento hopi importante cu mester ser considera den e contexto amplio di desaroyo educacional di e pais. El a recorda cu den añanan 90, Aruba tabata den un fase di estructuracion y fortalecimiento di su sistema di enseñansa. Gobierno, hunto cu diferente stakeholder, a asumi e responsabilidad pa traha riba un vision y mision cu lo garantisa acceso na educacion y formacion profesional pa hobennan. Durante e periodo ey, a institui scolnan cu a permiti hobennan continua nan estudio profesional localmente, sin mester depende exclusivamente di oportunidadnan afo di pais. EPI y EPB, manera nan ta conoci awendia, ta resultado directo di e esfuerso estructural cu a ser haci den e epoca ey.

El a splica cu den transcurso di añanan, sistema di enseñansa profesional na Aruba a sigui evoluciona. Diferente reforma y iniciativa a contribui na amplia acceso y adapta oferta educativo segun necesidadnan cambiante di sociedad. Den ultimo cinco aña particularmente, a pone enfasis riba flexibilisacion di e oferta pa asina por sirbi un grupo mas amplio di estudiante. Cu creacion di OABA,

a crea posibilidad pa hobennan y adulto cu no por sigui un programa regular durante dia, logra un diploma profesional riba un orario alternativo. Esaki a representa un paso importante pa inclusividad y equidad den sistema educativo.

Sinembargo, minister Croes a enfatisa cu e paso cu ta tumando ta bay mas leu cu solamente adaptacion operacional. E oficialisacion di cooperacion entre SEP, EPI y OABA tin como meta principal crea un coordinacion mas estrecho y un estructura mas cla entre e tres institucionan. Den un sistema unda diferente entidadnan ta ofrece MBO, coherencia y comunicacion ta esencial pa evita fragmentacion y pa garantisa cu tur estudiante tin acceso na informacion y trayecto educativo transparente.

El a remarca cu desaroyonan economico riba nivel global ta move rapidamente, specialmente den sectornan relevante pa Aruba manera hospitalidad, turismo, logistica y servicio. Aruba, como un economia chikito pero dinamico, mester responde activamente na e cambionan aki. E mercado laboral ta exigi competencianan nobo, actualisacion constante di conocimiento y un nivel di calidad cu ta competitivo internacionalmente. Pa esaki, sistema di educacion profesional mester bay hunto cu e desaroyonan rond di mundo y mantene un conexion directo cu sector productivo.

E acuerdo firma entre e tres instituto ta enfoca precisamente riba e aspecto di alineacion. Cu un coordinacion estructural, lo por revisa y actualisa contenido curricular di manera mas eficiente, comparti conocimiento entre

docente, y traha riba innovacion educativo den un marco comun. E intencion ta pa crea un sistema unda trayectonan educativo ta conecta entre nan, permitiendo transicion mas facil pa studiantenan cu ta move di un nivel pa otro.

Minister Croes a expresa su gratitud cu finalmente a yega na un etapa unda tur tres instituto cu ta ofrece educacion profesional por formalisa nan colaboracion. El a indica cu e proceso no tabata simpel, ni rapido, pues el a rekeri discusion, dialogo y entendimiento mutuo entre directiva di SEP, EPI y OABA, hunto cu ministerio. Cada institucion tin su propio identidad, historia y manera di traha, pero tur a reconoce cu ta importante pa laga cierto di esaki los pa por yega na otro. "Esaki ta e bunita caminda cu nos ta wak un union awe cu ta demostra cu nos por logra hopi pa pais Aruba," el a enfatisa.

Adicionalmente, minister Croes a splica, cu e acuerdo aki ta bay un tiki mas leu. Durante un bishita recién na Hulanda, minister a amplia colaboracion cu ROC Mondriaan, un institucion reconocida den MBO. Como resultado, EPI, SEP y OABA ta bira partnernan oficial di ROC Mondriaan Hulanda. E partnership aki ta haci posibel cu Aruba por benchmark su programa cu standardnan Hulanandes riba nivel di MBO y beneficia di intercambio di experiencia y conocimiento pa fortalece calidad local.

Pa EPI, e firma di e acuerdo ta un momento historico. E institucion a señala cu, aunque cooperacion cu SEP y OABA semper a existi informalmente, e formalisacion ta duna un base mas firme pa futuro. EPI a enfatisa cu Aruba ta gana cu esaki, pero



sobre todo e studiantenan cu ta scoge pa sigui un opleiding di MBO. Door di un liña di enseñansa continuo mas estructura, un estudiante por cuminsa su formacion na EPB y despues sigui naturalmente na EPI of, dependiendo di circunstancia, opta pa OABA.

EPI tambe a subraya importancia di profesionalismo di docente den MBO. Un sistema di calidad ta depende no solamente di curriculum, pero di competencia y dedicacion di maestro. Fortalece formacion continuo di docente y stimula innovacion educativo ta parti integral di cooperacion nobo. Ademá, e institucion a confirma cu cooperacion cu mercado laboral lo sigui intensifica, asina cu programa educativo ta mantene relevancia y responde directamente na demanda di empleadornan.

OABA, cu su enfoke riba enseñansa anochi, a expresa satisfaccion cu e acuerdo finalmente a ser logra despues di añanan di esfuerso. Pa OABA, e mision principal ta brinda oportunidad na esnan cu, pa diferente motibo, no por a completa nan estudio den sistema regular durante dia. Tur ciudadano tin derecho di haya educacion, y OABA ta cumpli cu e rol aki cu un modelo flexible pero cu mesun nivel di exigencia academico. Integracion formal dentro di cooperacion cu SEP y EPI ta fortalece posicion di OABA y ta confirma cu su alumnonan ta parti integral di sistema general di MBO.

SEP tambe a reconoce cu e caminda pa yega na acuerdo no tabata facil. No obstante, e institucion a describi esaki como un bon comienzo y un paso positivo pa studiantenan. Educacion vocacional ta ser considera crucial pa econo-

mia di Aruba. Den e tipo di formacion aki, studiantenan no solamente ta adkiri conocimiento teorico, pero tambe habilidadnan practico cu ta prepara nan directamente pa mercado laboral.

Por ultimo, minister Croes a enfatisa cu union ta haci forsa y cu dialogo constructivo ta esencial pa progreso. Diferente pensamiento y perspectiva ta natural den cualkier proceso di colaboracion, pero meta comparti semper tabata pa fortalece educacion profesional pa beneficio di pais.

El a subraya cu e acuerdo aki ta demostra cu, aunque entidadnan tin identidad propio, cooperacion ta posible y productivo ora interes comun ta central.

Mirando pa futuro, ministerio di Enseñansa lo sigui traha riba informacion y orientacion pa studiantenan cu ta pensa pa scoge un opleiding di MBO den aña escolar binidero. Lo duna claridad riba e diferente programa cu ta ser ofreci, con trayectonan ta conecta entre EPB y EPI, y ki opcionnan tin pa esnan cu no por sigui un orario di dia. E colaboracion cu ROC Mondriaan lo forma parti di e esfuerso continuo pa mantene calidad y actualisacion.

Cu e oficialisacion di cooperacion, sistema di MBO na Aruba ta drenta den un fase di consolidacion y fortalecimiento.

E acuerdo entre SEP, EPI y OABA no ta un punto final, pero e inicio di un trayecto continuo pa sigui formalisa, evalua y mehora educacion y formacion profesional riba e isla. Pa estudiante, docente y comunidad en general, esaki ta representa un compromiso renoba cu calidad, coordinacion y oportunidad pa futuro di Aruba.

Plan Anual Wardacosta 2026: Reforma, integridad y vigilancia inteligente pa fortalece seguridad marítimo den Caribe

Gobierno Hulandes a contesta preguntanan parlamentario tocante e Plan Anual 2026 di Wardacosta di Caribe, delineando un serie di reforma y medidanan di mitigacion di riesgo cu ta afecta Aruba y e parti Caribense mas amplio di Reino Hulandes directamente. E contesta, entrega dia 3 di maart 2026 door di minister di Defensa, Dilan Yeşilgöz-Zegerius, na Tweede Kamer, ta duna mas bista riba con Wardacosta tin intencion di fortalece operacionnan, atende cu scarsedad di personal, y reforsa integridad dentro di su rango.

Region Caribense di Wardacosta, cu ta opera ma Aruba, Corsou, Sint Maarten y Caribe Hulandes (Boneiro, Sint Eustatius y Saba), ta hunga un rol central den aplicacion di ley marítimo, control di frontera, buskeda y rescate, y esfuersonan contra narcotrafico. Den e plan di 2026, e organizacion ta pone un ambicion pa evolucionacion den un “organizacion di informacion completo,” reflejando un cambio mas amplio pa operacionnan dirigi pa inteligencia den Caribe.

Sinembargo, miembronan di Tweede Kamer a cuestiona con realistico e ambicion ey ta mirando scarsedadnan estructural di analista y personal di investigacion. Como contesta minister Yeşilgöz-Zegerius a reconoce cu un estructura di manejo di informacion moderno ta esencial pa Wardacosta por opera na un manera mas dirigi riba inteligencia. E precondition principal, el a señala, ta personal adecua cu personal specialisa. Reconociendo e limitacionnan di mercado laboral local den Caribe, Wardacosta lo implementa programanan di reclutamento dirigi y training interno cu ta tene cuenta cu scarsedad regional.

Pa Aruba, unda seguridad marítimo ta estrechamente mara na tanto estabilidad economico como cooperacion di seguridad regional, e cambio aki den direccion di operacionnan impulsa pa informacion lo por engrandecer e deteccion di rutanen di trafico ilicito y rednan di crimen organisa cu ta opera den sur di Caribe. Toch e exito di e acercamento aki ta depende di e habilidad di Wardacosta pa atrae y retene personal cualifica dentro di mercadonan laboral di isla.

Otro tema cu a ser treci dilanti den Parlamento ta regada e asina yama sistema di “up or out”, un politica di personal hopi biaha asocia cu organizacionnan militar den cual personal mester avansa dentro di cierto tempo of bandona e organizacion. Legisladornan a cuestiona si un sistema asina ta sostenibel den un region chikito caminda memoria y experiencia institucional ta particularmente valioso.

E mandatario a contesta cu Wardacosta ta enfoca riba retencion di funcionarionan publico cu e paisnan constituyente a pone disponibel. Programanan ta ser desaroya pa permiti empleadonan crecer dentro di e organizacion a traves di educacion, training y acumulacion di experiencia. Movilidad, retencion y empleabilidad ta pilarnan central di e acercamento aki. Na momento cu e personal bay, e organizacion ta busca prome pa sostene nan regreso na e administracionnan publico di Aruba, Corsou of Sint Maarten, of alternativamente pa facilita transicion pa sector priva.

Den e contexto Arubano, unda experticio di sector publico den ehecurion y cumplimiento marítimo ta limita, mantencion di personal experiencia dentro di e estructura di Reino ta ser considera ampliamente como critico. E enfasis declara di Wardacosta riba retencion ta sugeri un conscientizacion cu continuidad operacional den Caribe ta diferencia significativamente for di e ambientenan institucionales mas grandi na Europa.

E posicion huridico di e personal di Wardacosta tambe a bin bou di scrutinio. Bou di e Ley di Reino cu ta goberna Wardacosta pa Aruba, Corsou y Sint Maarten, y tambe e organonnan publico di Boneiro, Sint Eustatius y Saba, e paisnan autonomo ta responsabel pa regla e status huridico di personal di Wardacosta. E Plan Anual 2026 ta menciona un investigacion den un cuadro di status legal alternativo, loke ta lanta preguntanan tocante su alcance y consecuencianan financiero potencial.

Di acuerdo cu e minister, e motivacion pa analisa areglonan alternativo ta pa mehora e atraktividad di Wardacosta como dunador di trabou y pa alinea miho e politica di personal cu tareanan operacionales actual y den futuro. Na e momentonan aki, e organi-

sacion ta opera bou di siete diferente regimen di status legal, cada un cu su propio condicionnan di empleo, dependiendo di e pais y e naturalesa di e rol, manera personal civil, oficialnan di investigacion of personal militar.

E revision ta busca pa establece principio y metodonan di trabou mas uniforme mientras ta keda dentro di e cuadro di gasto di personal general y ta cumpli cu rekisitonan operacionales. Aunke no a duna garantia explicito cu e gastonan lo no subi, minister Yeşilgöz-Zegerius a enfatisa cu e estudio ta ser realiza dentro di e parameternan total di e presupuesto di personal.

Pa e parti Caribense di Reino, harmonisando condicionnan di empleo potencialmente lo por simplifica cooperacion entre islanan y movilidad interno. Na mesun momento, cuakier ahuste na escala di pago of beneficio lo ser vigila di cerca pa gobiernonan local, mirando nan responsabilidanan financiero comparti bou di e estructura di Reino.

Resiliencia di infraestructura ta un otro area di preocupacion. Parlamentarionan a puntra con por a salvaguardia e preparacion operacional na momento cu a identifica e hangar na Aeropuerto Internacional Hato na Corsou como un riesgo estructural. E hangar ta sostene operacionnan di vigilancia aereo cu ta vital pa vigila trafico marítimo rond di Aruba y parti zuid di Caribe.

Minister Yeşilgöz-Zegerius a reconoce cu e condicion estructural di e hangar actual ta bou di nivel. Na 2025, trabounan di reparacion a ser realiza pa fortalece partinan di e construccion, mitigando e riesgo inmediato di no-disponibilidad riba termino cortico. Como resultado, e hangar por keda den uso operacional. Mientras tanto, un proyecto di construccion nobo ta den fase preparatorio. Si ta necesario, por tuma medidanan di mitigacion adicional temporal pa garantiza disponibilidad operacional continuo te ora cu e facilidad nobo ta completa.

Mirando e importancia strategico di patrulla aereo pa detecta trafico de droga y coordina misionnan di buskeda y rescate, acceso sin interrupcion na facilidatnan di hangar ta particularmente relevante pa Aruba. E posicion geografico di e isla cerca di e rutanen grandi di barco y e costa Vene-



zolano ta haci vigilancia aereo sostene un base di e politica di seguridad marítimo.

Integridad dentro di e organizacion tambe a bin den enfoca mas skerpi. Wardacosta a introduci un “Urgency Plan Integrity 2025” despues di varios incidente confirma. Di acuerdo cu e contesta di e minister, e incidentenan aki a inclui detencionnan criminal y condena di miembronan di personal en conexion cu contrabando y trafico de droga, y tambe medidanan disciplinario manera suspension. Den e casonan concerni, a constata cu rednan criminal a hunga un rol.

E seriedad di e casonan aki a pone cu un reevaluacion di e cuadro di integridad existente y e intensificacion di medidanan preventivo. Pa Aruba y islanan bisiña, unda gruponan di crimen organisa activamente ta busca pa explota rutanen marítimo, e integridad di instancianan di ehecurion ta un liña di defensa critico. E reconocemento cu rednan criminal a eherce influencia den cierto casonan ta enfatisa e reto regional mas amplio di salvaguardia institucionan publico di infiltracion.

E acercamento di Wardacosta pa cu compromiso cu comunidad tambe a ser atendi den e intercambio parlamentario. Legisladornan a puntra tocante e rol di piscadonan local dentro di un cuadro di “vigilancia comunitario” y si iniciativan manera e campaña di “Seguridad riba Lama” lo conduci na regulacion of inspeccionnan adicional.

Minister Yeşilgöz-Zegerius a splica cu vigilancia comunitario tin como meta pa facilita intercambio di informacion cu varios usuario di e dominio marítimo, entre otro piscado y operadornan di marina. Pa medio di tal compromiso, Wardacosta ta construi rela-

cionnan di confiansa y ta fortalece su posicion dentro di e comunidad marítimo local. Piscadonan por ser acerca durante patrullahe como parti di conscientizacion situacional y recaudacion di informacion.

E campaña “Seguridad riba Lama”, mientras tanto, ta enfoca riba conscientizacion di asuntonan di seguridad marítimo pa asina mehora e seguridad di marineronan. E tabata primordialmente un iniciativa di conscientizacion y no a resulta den inspeccionnan adicional pa piscadonan.

Pa Aruba, caminda pesca na escala chikito ta keda un actividad economico y cultural importante, tranquilidad cu campananan di seguridad lo no traduci automaticamente den carganan regulatorio nobo por yuda sostene relacionan cooperativo entre autoridad y stakeholders marítimo local.

Finalmente, parlamentarionan a pidi e “Plan Anual Combina pa e Tareanan di Ehecurion door di Wardacosta,” referi na e memorandum di splicacion di e presupuesto di Fondo di Movilidad 2026. E mandatario a aclarea cu e documento aki ta pertenece na Wardacosta di Hulanda na Europa y no ta relaciona cu e region di Caribe. E Plan Anual pa Region Caribense di Wardacosta ya a ser manda pa Tweede Kamer na december 2025.

E Plan Anual 2026 y su aclaracionnan ta muestra riba un enfasis continuo riba operacionnan dirigi pa inteligencia, integridad institucional, resiliencia di infraestructura y compromiso cu comunidad. Na mesun momento, e retornan di personal, harmonisa condicionnan di empleo y contraresta influencia criminal ta keda central den e agenda di Wardacosta segun cu e ta drenta 2026.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)

Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Dia Internacional di Hende Muhe:

CEDEHM y Rode Kruis ta uni forza den campaña pa brinda ayudo na hende muhe den necesidad

Dia Internacional di Hende Muhe 2026 ta ser marca mundialmente bou di e tema #GiveToGain, un mensahe cu ta resona fuertemente cu e mision di Centro di Desaroyo di Hende Muher (CEDEHM). Pa Miangela Ras, Hoofd in Dienst, e lema ta capta un berdad esencial tocante comunidad y solidaridad. Duna no ta tocante di spera algo material a cambio. Ta trata di fortalece e lasonan cu ta tene sociedad hunto.

Como reconocimiento di e tema di e aña aki, CEDEHM a partner cu Rode Kruis Aruba pa organisa un campaña special di coleccion en conexion cu Dia Internacional di Hende Muhe. E iniciativa ta encurasha comunidad pa haci donacion di paña y comestibel cu lo ser inclui den paketenan pa hende muhe den necesidad. E meta ta simpel pero significativo. Door di stimula hende pa duna back, CEDEHM ta busca pa crea conscientisacion y sosten real di comunidad.

Ras a splica cu e tema #GiveToGain no ta trata di duna algo pa ricibi algo personal a cambio, pero ta mas bien pa contribui na un sociedad mas saludabel pa tur hende.

“E meta no ta pa duna algo pa haya algo back, pero mas bien e algo cu ta ser haya back ta un comunidad mas equitativo. P’esey CEDEHM a scoge pa participa cu e slogan aki pa motibo cu dunando nos ta enfoca riba nos hende muhe. Dunando esnan mas vulnerable nos ta haya hopi, no na material, pero na un miho comunidad pa nos y nos yiunan, pa nos tur,” el a enfatisa.

CEDEHM su compromiso cu empoderacion di hende muhe ta extende hopi mas leu cu un solo dia. Durante henter aña, e organisacion ta keda activo cu proyectonan andando, campananan di conscientisacion y partnershipnan. E asuntonan di hende muhe no ta stop despues di 8 di maart, y tampoco e trabou di CEDEHM.

Den transcurso di añanan, hopi iniciativa a ser desaroya y ehecuta. Midi impacto no



ta semper facil, y aunke cambianan no ta sucede semper den manera dramático, Ras ta subraya cu toch experiencia ta muestra cu nan campaña y proyectonan a yuda, sea door di conscientisa, ofrece guia of duna asistencia directo.

Ras a splica cu den e organisacion mes, varios generacion di hende muhe ta traha banda di otro. E colaboracion intergeneracional aki, el a sigui splica, ta trece un bista valioso riba con perspectivanan ta diferencia entre coleganan mas hoben y mas grandi.

Respet pa hende muhe den cada etapa di bida ta keda un principio central di e mision di CEDEHM. E organisacion ta defende consistentemente pa un conscientisacion mas grandi den comunidad tocante trata hende muhe cu respet y reconoce nan balor inherente. Reconoce balor di hende muhe no ta opcional. E ta fundamental.

E aña aki Dia Internacional di Hende Muhe tambe ta carga un nificacion special pa e organisacion mes. Dia 8 di maart proximo CEDEHM lo cumpli 15 aña remarcabel di crecimiento, compromiso y servicio.

Ras a forma parti di e ekipo for di e prome dia di su existencia. El a conta cu e raiznan di e organisacion ta bay 30 aña atras, tempo cu el a keda estableci pa prome biaha como Directie Vrouwenzaken. 15 aña pasa, el a transiciona pa CEDEHM, reflehando un enfoque mas amplio riba gen-

ero y desaroyo.

Ras a cuminsa como coordinador di proyecto y despues a bira Hoofd in Dienst. Mirando back, e ta describi CEDEHM como algo realmente special. “CEDEHM ta hopi special y ta algo cu mester celebra. Mi ta hopi contento cu mi a ser permiti door di Dios y bida pa ta parti di e team aki,” el a expresa.

Den transcurso di e decadanan, hopi a cambia den e posicion di hende muhe na Aruba. Hende muhe ta mas conecta, mas visibel y den hopi manera mas empodera cu antes. Participacion den educacion y forza laboral a aumenta, y combersacionnan tocante igualdad a bira mas habri. Pero a pesar di e progreso aki, retonan ta keda.

Ras a splica cu Aruba ta brasa un modelo economico den cual tanto hende muher como hende homber ta participa activamente den empleo paga. Mientras cu esaki ta positivo, expectativanan tradicional no a disparce. Mayoria hende muhe cu ta traha full-time pafo di cas hopi biaha ta haci malabares cu casi tres rol pareu. Ademas di su trabou paga, e ta maneha responsabilidnan di cas, cuida yiunan y frecuentemente ta sostene mayornan of otro miembronan di famia. E peso di cuida sin pago ainda ta cay pa gran parti riba hende muhe.

E actividad binidero pa Dia Internacional di Hende Muhe tin como meta pa com-

bina celebracion cu accion. CEDEHM ta extende invitacion pa henter comunidad pa dia 7 di maart pasa na oficina di CEDEHM na Dakota pa participa den e campaña di recaudacion. Miembronan di comunidad ta ser encurasha pa trece paña pa hende muhe y mucha cu nan no ta usa mas, y tambe comestibel. Hunto cu Rode Kruis Aruba, CEDEHM a compila un lista di hende muhe cu lo beneficia di e donacionnan aki, a base di datonan disponibel pa ambos organisacion.

E articulonan recoge lo ser poni den paketenan di cuida y distribui dia 16 di maart. Esnan cu no por asisti dia 7 di maart por laga nan donacion na oficina di CEDEHM prome of despues di e fecha ey.

Dia Internacional di Hende Muhe ta tanto un celebracion como un recordatorio. E ta celebra e logronan y resiliencia di hende muhe, mientras ta recorda sociedad cu igualdad ta rekeri compromiso continuo. Pa medio di e tema #GiveToGain, CEDEHM ta subraya e poder di accion colectivo.

Progreso ta real, pero e trabou ta sigui. Door di para hunto, apoyando hende muhe vulnerabel y reconoce e balor completo di cada hende muhe y mucha muher, Aruba ta yega mas cerca di e futuro equitativo cu Dia Internacional di Hende Muhe ta envisiona.

*Accion Policial den Caribe Hulandes***Accion pa cu entrega di arma di candela ilegal**

Cuerponan Policial di Caribe Hulandes den cooperacion cu e Colegio di Hefenan di Cuerpo (college van korpschef), ta anuncia lansamento di un accion interinsular relaciona cu entrega di arma di candela ilegal.

E iniciativa conhuntamente ta un colaboracion di e organisacionnan di Caribe Hulandes cu cooperacion di Ministerionan Publico di Aruba, Corsow, Boneiro, Saba, Sint Eustatius y Sint Maarten.

Pa prome biaha tur e islanan aki simultaneamente ta traha riba un accion di entrega di arma di candela ilegal. E meta principal di e accion coordina aki ta, pa brinda tur esnan cu ta den posesion di un arma di candela ilegal, e oportunidad pa di un forma boluntario entrega esaki durante di un periodo determina, sin cu e tin consecuencia penal pa violacion di e ley di arma di



candela.

Cu e accion colectivo aki e islanan kier manda un mensahe fuerte: arma di candela ilegal y violencia cu arma no ta wordo tolera den nos comunidadnan.

E proyecto ta refleha e responsabilidad comparti di tur e islanan pa hisa e seguridad publico.

E momento sincronisa di e

accion ta demostra e strategia regional di union, pa alcansa na reducion di e cantidad di armanan di candela ilegal cu tin den circulacion y asina preveni tambe e cantidad di violencianan cu arma di candela.

A base di resultado di e accion aki, e cuerponan hunto cu Ministerionan Publico lo intensiva e esfuersonan.



Esaki dor di eherce controlnan y entradanan hudicial cu lo bay tin na tur parti y sitionan riba e islanan, buscando arma di candela ilegal.

Cuerponan policial di tur e islanan ta haci un yamada na tur ciudadano pa asumi nan responsabilidad y contribui na un sociedad mas sigur, dor di haci bon uso di e oportunidad en cuestion.

Dor di entrega bo arma di candela ilegal awor, bo ta evita di keda persigui penalmente y ademas bo ta salba bida.

Mas detaye tocante temporada, localidad y procedura pa entrega di arma di candela, lo keda comunica dor di cada Cuerpo policial individualmente, den e diano cu ta sigui.

CBS: Cinco di 12 sector a registra caida di prijs na januari 2026

Recientemente, Oficina Central di Estadistica, CBS, a publica e Indice di Prijs di Consumo pa luna di Januari 2026. Den esaki, a nota cu 5 di 12 sector a registra caida di prijs.

E CPI pa luna di Januari 2026 ta 109.19, loke ta representa un caida di 0.3% compara cu e indice di December 2025 (109.47).

E cambio di e CPI pa e ultimo diesdos (12) luna (Januari 2025 te cu Januari 2026) ta 0.5%, un subida di 0.2 punto di porcentahe (ppt) compara cu e periodo corespondiente di aña pasa (0.3%).

E promedio anual (ultimo 24 luna) di e tasa di inflacion pa e periodonan di Januari 2024 te cu Januari 2025 y Januari 2025 te cu Januari 2026 ta 0.1%, un caida di 1.5 ppt compara cu e 1.6% registra den e periodonan di Januari 2023 te cu Januari 2024 y Januari 2024 te cu Januari 2025.

Durante e luna aki, cinco (5) di e diesdos (12) sector a registra caida di prijs. E caidan cu tabatin e mayor efecto riba e CPI a ser registra pa e sectornan di “Transporte” (-3.0%), “Paña y sapato” (-6.1%) y “Recreacion


y cultura” (-1.5%), causando un efecto di respectivamente, -0.39, -0.13 y -0.13 ppt. E caidan den e sectornan restante a contribui cu un efecto di -0.07 ppt riba e CPI di Januari 2026.

E caidan aki a ser contrasta parcialmente door di principalmente un subida den e Indice di e sector di “Mobiliario” (3.2%) cu a contribui cu un efecto di 0.26 ppt riba e CPI di Januari 2026.

E subida den e sectornan restante a contribui cu un efecto di 0.20 ppt riba e CPI di Januari 2026.

E caida den e sector di “Transporte” a ser causa principalmente door di un caida di 3.3% den e categoria “Gasto relaciona cu uso di vehiculo di transporte personal”, causando un efecto di -0.26 ppt. E caida den e sector di “Paña y sapato” a ser causa principalmente door di un caida den e categoria “Paña” (-5.4%), causando un efecto di -0.09 ppt.

E caida den e sector di “Recreacion y cultura” a ser causa principalmente door di caidan di 3.4% y 2.3% den e categorianan “Vacacion” y “Otro articulo y ekipo pa rec-



reacion, hardin y animal domestico”, causando un efecto di respectivamente, -0.07 y -0.06 ppt.

E subida den e sector di “Mobiliario” a ser causa principalmente door di subidan di 7.9% y 17.2% den e categorianan “Aparato pa uso domestico” y “Herment y ekipo pa cas y hardin” (17.2%), cau-

sando un efecto di respectivamente, 0.16 y 0.13 ppt.

Canasta di Consumo

E canasta di consumo di e CPI ta consisti di 408 bienes y servicionan. Compara cu December 2025, 48.0% di e bienes y servicionan aki a conoce un aumento di prijs causando un efecto di 0.74 ppt, mientras cu 36.5% ta muestra

un caida di prijs, cu a contribui cu un efecto di -0.99 ppt y pa e restante 15.4% no tabatin cambio den prijs. C

ompara cu December 2025, prijsnan di bienes (-0.1%) y servicionan (-0.4%) a conoce caida y a causa un efecto di respectivamente, -0.07 y -0.18 ppt riba e CPI di Januari 2026.

Drs. Joel Rajnherc: Visionario y dokter stima den comunidad di Aruba

E siman aki a drenta e tristito noticia di e fayecemento di Drs. Joel Rajnherc. Drs. Rajnherc, ken tabata un figura respeta y stima den comunidad di Aruba, tabata un visionario cu e dedica su bida na salud publico y a fortalece Centro Medico ImSan durante su ternura como director.



Pediatra apasiona
Naci 6 di October 1949 na New York, Rajnherc a studia pa bira dokter cu specialisacion den pediatria. Durante su carera como pediatra, el a traha na Hulanda na Spaarne Ziekenhuis pa 13 aña y despues a bin Aruba pa traha na HOH di 1994 pa 2012. Como pediatra, Drs. Rajnherc tabata sumamente dedica na su pashentnan y tabata comprometi pa duna nan ta atencion debido cu nan merece. Elogia principalmente pa su tratamiento cariñoso di su pashentnan, e tabata stima pa mayornan y frecuentemente tabata ser gaba como dokter. Na maart 2012, el a bira director di ImSan. Desde e tempo ey, el a lidera e trayecto di e centro medico pa bira un instituto di salud fuerte riba e

isla. Visionario den salud publico
Como director di ImSan, Drs. Rajnherc a surpasa tur expectativa y a pusha pa converti e centro medico den un instituto completamente adecua pa ofrece pashentnan lo mihor tratamiento posible. Pa loke ta servicio di ambulance, el a traha pa mehora entrenamiento di empleadonan pa aborda situacionnan di emergencia. Tambe, el a pusha continuamente pa e mehoracion di unidadnan di ambulance, dedicando fondo necesario pa keda busca mas unidad. Tambe el a pusha pa fortalece



diferente otro servicio dentro di e centro medico, enfatisando na 2014 otro cu ImSan mester ta un sitio unda por trata enfermedadnan cronico no contagioso. Pa loke ta e servicionan pa pashentnan cu enfermedadnan cronico no contagioso, ImSan ta ofrece e Carrousel Diabetico, un centro di dialisis, servicionan di

specialista di wowo y ta expandiendo pa inclui un centro di oncologia pa trata pashentnan di cancer. Tambe a logra haya aparato di radiologia, permitiendo pashentnan cu cancer haya tratamiento riba e isla mes. Na 2023, ImSan a logra haya seyo di 'Control di Calidad', un acreditacion di e institu-

cion prestigioso Joint Commission International (JCI). Stima pa empleadonan y comunidad en general
Banda di ta conoci como bon dokter, Drs. Rajnherc ta gaba como un empleador generoso y un persona increíblemente cariñoso. Semper el a expresa orguyo pa su trahadornan na ImSan y semper a pusha pa nan haci nan best. E vision y logronan lidera pa Drs. Rajnherc tambe a funciona como un inspiracion pa empleadonan, cual semper tabata entusiasmo cu e ultimo desaroyo positivo na e centro medico. Aruba ta despedi di un figura innovador den salud publico. Un homber cu a dedica su bida na yuda otro, mehora salud y bienestar di Aruba y cu tabata stima y respeta pa tur cu a conoc'e. Bon Dia Aruba ta manda palabranan di condolencia pa su famia y otro sernan keri.

Exposicion na contaminacion ta liga cu problemanan di salud mental

(AFP) — **Contaminacion ambiental ta liga cu varios desorden di salud mental den Europa, segun e Agencia Europeo di Medio Ambiente (EEA) a adverti diamars, argumentando cu cumpli cu legislacion lo resulta den un Europeo menos depresi y menos ansioso.**

Contaminacion di aire, zonido y substancianan quimico ta principalmente responsable, segun agencia di EU.

“Estudionan ta indica consistentemente cu contaminacion di aire, por ehempel den forma di particulanan fino (PM2.5) y dioxido di nitrogeno (NO2), ta asocia cu depresion y sintomanan depresivo,” agencia a nota den un informe.

Exposicion na lood, disruptornan endocrino y otro substancia quimico, specialmente den “fase di bida di desaroyo”, por aumenta riesgo di problema di salud mental

mas laat den bida, el a agrega. Ademas, contaminacion di zonido, for di trafico aereo y di caminda, por ta liga cu un riesgo mas halto di depresion y ansiedad, specialmente pa personanan vulnerable.

“Progreso riba metanan di cero contaminacion por trece beneficio adicional pa salud mental y bienestar,” EEA a bisa.

Ademas, solucionnan basa riba naturaleza ta ofrece beneficio cientificamente comproba pa personanan cu ta sufrir di un desorden mental, reduciendo stress, ansiedad y depresion, y mehorando bienestar general por medio di contacto cu naturaleza, el a bisa.

Segun EEA, desordennan di salud mental a representa e di seis presion riba enfermedad mas grandi den Union Europeo na 2023 y tabata e di ocho causa principal di morto.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

Boluntario na Hulanda ta bay porta pa porta pa papia cu hende y baha polarisacion

(NLTimes) - Den preparacion pa eleccion municipal, boluntario na Hulanda ta usa un tecnica yama “deep canvassing” pa conecta cu votante riba temanan polarisante. Segun NOS, e metodo ta enfoca riba combersacion personal en bes di campaña tradicional.

Deep canvassing a cuminsa na Merca na 2008 durante debate riba matrimonio entre persona di mesun sexo, y ta anima boluntario pa papia personalmente cu votante, comparti historia personal y activamente scucha opinion diferente. “Nucleo ta scucha otro persona: esaki ta mas o menos 70% di tur cos,” Eefje



Hendriks di Deep Canvassing Nederland a declara na NOS. Boluntario ta ser entrena den tres paso pa garantiza cu combersacion ta keda respetuoso y enfoca riba intercambio personal.

Metodo a surgi ora activista LGBTQ na Merca a descubri cu dialogo personal por cambia opinion mas efectivamente cu brochure of slogan. “Nan a realisa cu algun hende por cambia di opinion,

specialmente ora nan ta sinti cu nan ta ser scucha y por comparti historia personal,” Hendriks a splica.

Deep Canvassing Nederland, cu a cuminsa na 2023 cu tres fundador, a crece te un red di entre 150 y 200 voluntario. E fin di siman aki, organisacion a tene su Landelijke Canvassingdag XL, cu sesion di entrenamiento na decenas di localisacion pa boluntario cu ta prepara pa enkontra votante den barionan.

Expertonan ta adverti cu, aunke ‘deep canvassing’ ta muestra resultado den Merca, su efectividad na Hulanda ainda no ta completamente comproba. Mariken van der

Velden, profesor di politica y media na Vrije Universiteit Amsterdam, a declara: “Mas o menos 80% di tur investigacion riba esaki ta bini for di Estados Unidos. Aya e ta funciona consistentemente. Pero esaki no ta significa automaticamente cu lo funciona aki.”

Tanto Van der Velden como Hendriks a señala cu tin necesidad pa investigacion comparativo. Hendriks a declara: “Nos ta registra dato riba combersacionnan y nos kier analisa nan. Bo mester haci esaki prome pa por studia esaki, y for di nos experiencia personal, ‘deep canvassing’ tin balor.”

A rechasa acceso na Directora interino di Curaçao Huis temporalmente durante investigacion

(CuraçaoChronicle) - Directora interino di Gabinete di Minister Plenipotenciario di Curaçao (KGMC) na Den Haag, Martha Semil, a ser temporalmente nenga acceso na Curaçao Huis. Medida ta sigui acusacion publico y incertidumbre riba asunto di personal y financiero den gabinete.

Decision a ser formalisa den un decreto emiti door di Minister di Asuntonan General riba 1 di maart. Restriccion di acceso ta na vigor te 31 di maart y por ser extende si ta necesario.

Segun prome minister Gilmar Pisas, e medida tin como obhetivo permiti cu investigacion riba posible conducta inapropia por sigui sin inter-

ferencia. Autoridadnan ta enfatisa cu accion ta un medida administrativo di orden y no un sancion disciplinario.

Credencialnan di acceso a ser entrega Bao di decision, Semil mester entrega tur clave y pase di acceso, manera tambe password di cuenta di email oficial, mailbox general, informacion bancario y documentonan relaciona cu personal. El tambe no por sali for di Hulanda sin permiso por escrito di prome minister.

Secretario General di Ministerio di Asuntonan General a asumi inmediatamente liderato temporal di KGMC pa reestablece loka autoridadnan ta describi como “calma y structura” y pa supervisa investigacionnan en curso.

Decreto ta referi explicitamente na desaroyo poco cla den maneho financiero, incluyendo supuesto acuerdo di likidacion y otro gastonan. Documento tambe ta indica cu Semil aparentemente a nenga duna acceso completo na documentonan di personal, pesar di peticionnan anterior.

Maneho financiero mas amplio bao di inspeccion Decreto concerniente Semil ta indica cu asunto a expande mas leu di liderato politico pa inclui tambe maneho administrativo di Curaçao House. Mientras inspeccion inicial tabata enfoca riba ex-Minister Plenipotenciario, maneho diario di oficina awor tambe ta bao di revision.

Minister di Asuntonan General a declara cu medida tem-



poral ta necesario “den intereses di servicio” y pa garantiza cu investigacion por sigui sin influencia.

Curaçao Huis na Den Haag ta desempeña un rol diplomatico y administrativo clave den Reino di Hulanda.

Secuencia di desaroyo — renuncia di Manuel, yamada parlamentario pa supervision financiero y awor exclusion temporal di directora interino — ta apunta riba loka observador nan ta describi como un crisis administrativo cu ta profundisa den institucion.

Ehercito a cuminsa despliegue na Curaçao, Aruba y Bonaire

(CuraçaoChronicle) - Un nobo compania di ehercito a cuminsa su despliegue e siman aki na Curaçao, Aruba y Bonaire. Durante un ceremonia mainta diasabra, mando oficialmente a ser transferi na Captain Marnix, cu ta asumi liderato for di Captain Roderik.

Unidad saliente a pasa cuatro luna den region Caribe, unda soldaatnan a realisa entrenamiento intensivo riba

diferente isla. Actividad nan a inclui operacion tactico y ehercicio cu arma real, realisa den cooperacion cu forsanan militar local y Warda Costa. Segun comandante saliente, despliegue a representa un experiencia valioso cu a permiti tropanan adkiri experiencia operacional importante den un ambiente tropical.

Compania entrante, Bravo “Stier”, lo keda den region pa mas o menos cuatro luna. Enfoka di nobo rotacion lo ta

riba continuacion di entrenamiento y fortalecimiento di cooperacion cu socio regional di seguridad. Unidad tambe ta conta cu apoyo adicional di personal medico durante su despliegue.

Royal Netherlands Army ta mantene un compania permanente den Caribe. Unidadnan rotativo por ser desplega pa diferente tarea operacional y ta entrena alternativamente na Curaçao, Aruba y Bonaire.



LOTTO 5

Cuminsando cu 4 florin, bo por gana e suma grandi aki

Afl. **220.000,-**

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

Ministerio di Asuntonan Exterior ta urgi ciudadanonan Hulandes na Medio Oriente registra pa repatriacion

(NLTimes) - Ministerio di Asuntonan Exterior di Hulanda ta urgi ciudadanonan y residentenan den Medio Oriente pa tuma contacto cu e ministerio pa informacion di repatriacion via Formulario di Contacto di Crisis ya cu interrupcionnan di biahe ta laga alrededor di 1.000 biahero Hulandes pega den henter e region.



E asociacion Hulandes di biahe ANVR a bisa cu e intrankilidad na Iran y paisnan rond di dje a causa cancelacion generalisa di vuelo y restriccio di espacio aereo, lagando poco opcion pa esnan cu ta purba regresa nan

cas. Adicionalmente, aerolineanan occidental ta keda prohibi di bula riba Rusia debi na e guerra cu Ucrania, forsendo rutanen mas largo y mas costoso.

TUI Hulanda ta raporta mas

o menos 300 pasahero pega, principalmente na Dubai. CEO di TUI Group Sebastian Ebel a bisa e canal di noticia Aleman n-tv cu repatriacion por dura varios dia, cu prome vuelonan plania pa Munich pa medio di coor-

dinacion cu Emirates, Qatar Airways y Etihad. Un vocero di TUI a confirma cu e compania ta trahando cu e ministerio pa trece biaheronan cas.

Aerolineanan grandi a suspende of cancela vuelonan den henter e region. KLM a cancela servicio Amsterdam-Tel Aviv y algun vuelo di Golfo, mientras cu Air France a para vuelonan pa Tel Aviv y Beirut.

Lufthansa a para vuelonan pa Tel Aviv, Beirut, Oman y Dubai te cu 7 di maart, evitando espacio aereo di Israel, Libanon, Jordania, Iraq y Iran. Wizz Air y Japan Airlines tambe a suspende varios

ruta di Medio Oriente. Algun vuelo di Emirates a sigui pero cu retraso.

ANVR ta tene consultanan diariamente cu Ministerio di Relacionnan Exterior pa coordina repatriacion. “Si oportunidadnan surgi, nos mester actua hopi lihe,” un vocero di ANVR a bisa. Algun vuelo, manera yegada di Etihad for di Abu Dhabi, ta baha na Schiphol solamente riba un preaviso cortico. E formulario di contacto di crisis di e ministerio ta permiti biaheronan pega pa duna nan informacion pa asina oficialmente por duna conseho riba salidanan sigur.

Segun lidernan di partido, calidad di consehonan di municipio ta bahando



(NLTimes) - Lidernan di partido local ta mirando e calidad di e conseho di municipio baha. Esaki a sali na cla durante un debate cu seis lider di partido na Nieuwspoort den preparacion pa e eleccion municipal di 18 di maart. “Si bo paga pinda, bo ta haya macaco,” Richard de Mos di Mos di Hart voor Den Haag, un partido local na Den Haag, a bisa.

Lesley van Hilten di Almere VVD ta di acuerdo cu e calidad di e conseho a baha, cu “un cantidad grandi di cambio, miembronan nobo, tar-

canan adicional, y dossiernan compleho.” Sin retene conocimiento, mantene calidad ta bira dificil, el a bisa.

Venita Dada-Anthonij di D66 Utrecht a agrega cu e ambiente den cual e conseho ta opera ta birando “cada bes mas dificil,” parcialmente debi na menasanan.

De Mos a sugeri pa haci miembresia di conseho un trabou di tempo completo den ciudadnan grandi cu mas cu 100 mil habitante. Jeroen Berends di CDA Doetinchem a argumenta cu mester considera municipio-

nan mas chikito tambe, como cu e problemanan ta mesun significante cynan. Sofyan Mbarki di PvdA Amsterdam ta contra di e idea. E ta kere cu politica local no mester imita politica nacional.

Den e debate, Mbarki, De Mos, Dada-Anthonij, y Ronald Buijt di Leefbaar Rotterdam a bay di acuerdo cu vivienda ta e asunto mas im-

portante di Hulanda, pero nan no tabata di acuerdo riba solucionnan.

Dada-Anthonij a yama creatividad esencial pa soluciona e scarsedad di vivienda.

De Mos y Buijt ta mira beneficienan di construccion den e segmentonan mas halto y mas caro. “Mester di schoudernan fuerte pa logra balan-

sa,” Buijt a bisa, enfatisando cu e balansa aki falta na Rotterdam. Segun De Mos, vivienda social ta debilita un bario.

Mbarki a contesta: “Nunca lo mi bisa cu vivienda social ta debilita un bario.” E ta mira un scarsedad significante di vivienda pagabel na Amsterdam.

WE ARE HIRING Security Guards

- Good team player
- Attention to details
- Ability to follow instructions
- Flexibility
- Provide excellent customer service
- Good communication
- Responsible, proactive & reliable
- English & Papiamentu is required

- Competitive Salary
- Dental & Vision Insurance
- Attendance Incentive
- Wellness Program
- Recognition Program
- Vacation Saving Program

Please submit your resume to humanresources@paradisebeach.aw or apply in person by The Front Desk

✉ humanresources@paradisebeach.aw

📍 J.E. Irausquin Boulevard 64 ☎ +297 525 4093

Procurador di Derechonan Humano di Guatemala ta evidencia insuficiencia den servicio pa pashent di riñon

(Infobae) - Observacionnan realisa a resalta cu infraestructura di centro no ta responde na demanda actual, mientras a solicita gestion urgente di recurso pa mehora acceso na tratamentonan rekeri pa persona cu problema di riñon.

Jose Alejandro Cordova Herrera, Procurador di Derechonan Humano (PDH) di Guatemala, a supervisa servicionan den National Unit for Care of the Kidney Sick (Unaerc) y a subraya necesidad pa amplia cobertura pa pashent cu ta rekeri tratamentonan di riñon, considerando demanda creciente registra na centro di salud.

Durante e bishita, a constata cu capacidad instala ta insuficiente pa atende tur pashent cu ta presenta diariamente, obligando usuario nan biha for di mainta tempran y hasta pasa anochi na lugar, cu



posibilidad di no ricibi tratamiento e mesun dia. Segun PDH, “implementacion di mas mashin ta necesario, pasobra servicio presta ta hopi limita y cantidad di pashent cu tin mester tratamiento ta aumenta cada dia.”

Cordova Herrera a specifica cu nan ta spera cu administracion di Unaerc inicia proceso pa solicita aumento presupuestario, enfoca riba compra di ekipahe adicional pa mehora acceso na atencion. Supervi-

sion tambe a inclui revision di estado di medicamentonan y atencion den area manera hemodialisis, dialisis peritoneal y sala di warda familiar.

Personal di salud a ser reconoce pa su labor, aunke Cordova Herrera a enfatisa cu sobrepoblacion ta persisti y cu hopi persona mester asumi “costo di bini for di provincia mainta tempran, te hasta pasa anochi, pa mira si tin posibilidad di ricibi tratamiento.” Bishitanan di supervision lo

ser extende pronto na ocho sede rural di Unaerc, cu objetivo pa verifica cumplimiento di derecho na bida y salud na Guatemala.

Cinco dato relevante a ser resalta: sobrepoblacion di centro, falta di mashin, wardamento prolonga for di mainta, proximo expansion di supervision na ocho sede rural y urgencia di gestiona fondo pa amplia cobertura.

Estancacion financiero ta laga Unaerc sin capacidad pa amplia atencion

Crecemento di demanda a ser significativo: den 2025, institucion a atende 4.573 pashent cu hemodialisis y 3.096 cu dialisis peritoneal, ademas di ricibi 3.500 pashent nobo solamente den ultimo aña. Segun Congreso de la Republica de Guatemala, un asignacion adicional di Q100 miyon lo a permiti adkiri ekipo nobo di hemodialisis y amplia capacidad pa mas

cu 2.500 pashent adicional pa aña, hustificacion cu a ser presenta pa sostene aumento di presupuesto.

Institucion ta entre 22 entidad den area di Salud cu lo beneficia di aumento di fondo pa siguiente aña. Falta di recurso anteriormente a pone pashent na riesgo di no ricibi tratamiento, aunke segun gestion financiero-administrativo di Unaerc, debe mas reciente a ser paga y organisacion lo enfrente 2026 sin deficit, pero sin capacidad pa amplia servicio sin fondo adicional.

Perfil di pashent di riñon atende ta muestra dos grupo principal: mayoria tin entre 60 y 70 aña, pero tambe ta reporta un aumento di caso den persona entre 20 y 30 aña. Specialistanan ta adverti cu esaki implica menor productividad y un impacto negativo riba desaroyo nacional, considerando aumento di hoben afecta.

Republica Dominicana ta proyecta crecimiento economico di 4% pa 2026

(Infobae) - Calculacion oficial ta indica un recuperacion progresivo despues cu actividad economico a muestra progreso sosteni den sector clave, den medio di escenario internacional complejo y variacion den indicador global.

Banco Central de la República Dominicana (BCRD) ta proyecta cu economia nacional lo alcanza un crecimiento cerca di 4% den 2026, compara cu 2,1% registra na 2025, despues di varios aña di liderato den Latino America y Caribe, segun un comunicado publica riba portal institucional di e Banco Central.

Den un ambiente internacional marca door di incertidumbre, tension geopolitico y cambio den politica comercial y migratorio di Merca, economia Dominicano a registra na januari un aumento interanual di 3,5%, e figura mas halto den ultimo dies luna, segun dato publica di alguna door di BCRD.

E desempeño aki a ser impulsado principalmente door sector di construccion, cu a crece 7,6%; fabricacion local, cu a aumenta 3,4%; y servicio, cu a registra un rebote di 3,5%, lidera door di hotel, bar y res-



taurant, cu a expande 3,8%.

Banco Central a declara cu lo continua evalua evolucion di economia y lo adopta “accion necesario pa contribui na retoma gradual di caminda di crecimiento di su potencial, semper cu tin espacio suficiente pa logra esaki sin afecta estabilidad di prijs, cu ta constitui mision fundamental di institucion.”

Desempeño economico di Republica Dominicana a ser clasifica como un di e mas

solido den Caribe y Latino America, despues cu a ser reconoce door di World Bank durante un reunion di luna pasa na Palacio Nacional. Reunion, presidi door di Luis Abinader y representante di organismo internacional, a muestra cu crecimiento sosteni, acompaña door di reduccion di pobreza y un sistema institucional robusto, a forma un modelo di desaroyo distingui den ultimo decanan.

Segun Junta Directivo di World Bank, pais a mantene

figura anual di crecimiento superior na 5% pa mas cu treinta aña, constituyendo un referencia regional di estabilidad y progreso social.

Durante e intercambio, Marcos Chiliatto, miembro di Junta Directivo di World Bank, a enfatisa cu Republica Dominicana ta situa “entre e grupo chikito di pais cu a logra desempeño asina di manera sosteni.” Ademas, programanan di reduccion di pobreza y aumento salarial a acompaña agenda estatal,

permitiendo consolida progreso den inclusion social.

Na final di luna pasa, delegacion di World Bank a evalua iniciativa den area strategico manera turismo, energia, banco comercial y promocion di empresa chikito y mediano. Diana Alarcon a describi preservacion di estabilidad macroeconomico y esfuerso contra pobreza como “hopi impresionante.” Tanto Alarcon como Chiliatto a subraya importancia di sigui inverti den infraestructura, educacion, energia y sistema di comunicacion, señalando cu e inversion nan aki ta “crucial pa mantene figura historico di crecimiento entre 4% y 5%,” cifra cu a sirbi como motor pa reduccion di desigualdad den pais.

Un di e programanan evalua tabata Superate, enfoca riba fortalece empleo formal y capacitacion laboral. Agenda tambe a inclui revision di cooperacion cu organismo internacional manera Food and Agriculture Organisation (FAO). Trabao conhunto cu FAO a permiti reduci inseguridad alimenticio te nivel historicamente abao den aña reciente, segun representante di World Bank den e mes reunion.

Argentina: Implosion di submarino na 2017 tabata “previsible”

(AFP) - E implosion di submarino cu a mata 44 marinier Argentino na november di 2017, e pio desaster naval na e pais desde e Guerra di Falklands, tabata “previsible,” fiscalnan a argumenta mientras e huicio tocante e calamidad a cuminsa diamars.

E hundimento di ARA San Juan, den circunstancianan cu ainda no ta cla, tabata “un resultado previsible mirando e condicion di e submarino, cu a haci e naufragio posible,” e fiscalia a bisa den un acusacion contra cuatro ex-oficial di Marina, kende ta den huicio na e ciudad Patagonia di Rio Gallegos.

ARA San Juan a desaparece un siman despues cu a sali for di Ushiaia den tip sur di Argentina y tabata bayendo back su waf sede na e base naval Mar del Plata.

E restonan di naufragio di e submarino ainda ta den fondo di lama den un area remoto di Sur Atlantico, cerca di



provincia Santa Cruz, unda e huicio ta tumando lugar.

E submarino a desaparece dia 15 di november despues di reporta cu awa di lama a drenta e sistema di ventilacion, causando cu un bateria abordo di e submarino electrico-diesel a haci corto circuito y a pega na candela.

Cuatro ex-oficial di Marina - ex-hefe di Comando di Training, Luis Lopez-Mazzeo; ex-comandante di Forsa Submarino, Claudio Villamide; ex-Chief of Staff di Comando di Sumbarino, Hector Alonso; y ex-cabesante di operacion, Hugo Correa - a keda acusa di abandono di deber y de-

struccion negligente agrava.

Nan ta enfrentando entre un y cinco aña den prison si nan keda condena

‘Sinti manera hende no importante’

Ningun di famia di e victimanan - 43 homber y un muhe - ta spera di presencia e huicio na e remoto Rio Gallegos.

Abogado Valeria Carreras, kende ta representa famia di 34 victima, a bisa cu su clientenan, mayoria di ken ta biba na Mar del Plata, “no por ni afford pa saca fotocopia, mucho menos ticket di avion

y estadia.”

“Nan ta sinti manera hende no importante pa ultimo ocho aña,” el a bisa. Nan solicitud pa tene e huicio na Mar del Plata a keda rechasa.

Carreras a acusa Marina di mantene un “cultura di silencio” tocante loke el a yama un “tragedia prevenible.”

Na 2021, un corte marcial a duna retiro na Villamide pa negligencia y a sentencia otro oficial cu hasta 45 dia den prison pa sconde informacion tocante e calamidad. Ex-presidente inocente

E hipotesis ta cu e submarino a sufri un fayo di valvula cu a permiti pa awa drenta e compartimento di bateria, ocasionando candela y despues un explosion.

Pero test e teoria aki lo involucra saca e restonan di e submarino for di profundidad di mas di 900 meter - un operacion di varios milyon dollar, segun e demandantenan.

“Ta hopi dificil pa condena un persona di un crimen ora bo no sa realmente kico a pasa,” abogado Luis Tagliapietras, kende su yiu homber, Alejandro a muri den e desaster, a keha.

E caso a involucra oficialnan top, generando sospecha di un tapamento.

Ex-presidente Mauricio Macri a keda acusa di duna ordo pa vigilancia ilegal di famia di e victimanan entre 2017 y 2019.

Corte Supremo aña pasa a rechasa e caso contra dje.

Chile: Proyecto Chines di cable oponi pa Merca ta genera disputa

(AFP) - Preocupacion di Merca tocante un cable di fiber optic Chines conectando Asia cu Sur America bao di lama a genera un disputa diamars entre e presidente isquierdista saliente di Chile y su sucesor, kende tin sosten di Washington.

Politico di derecha, Jose Antonio Kast ta programa pa keda inaugura como presidente di Chile dia 11 di maart despues di derota Jeannette Jara, un comunista, den eleccion presidencial na december.

Diamars, Kast a reuni cu e incumbente Gabriel Boric pa coordina e transferencia di poder. Pero Kast a termina e reunion abruptamente despues di acusa Boric di sconde informacion tocante e proyecto di cable submarino.

E proveedor di wireless multinacional, China Mobile a propone pa pone



e cable entre Hong Kong y e waf Chileno di Valparaiso den un intento pa expande conectividad di Pacifico y capacidad di data.

Conectividad di China actualmente ta depende casi

completamente riba cablenan cu ta pasa door di su archienemigo, Merca.

Gobierno Mericano ta argumenta cu e proyecto ta mina seguridad regional, algo

cu Chile ta rechasa.

Luna pasa, Washington a revoca e visa di tres oficial Chileno, incluyendo minister di Transporte y Telecomunicacion di Boric - un rechazo inusual di Merca

di un di su aliadonan Sur Americano mas cercano.

Presidente Donald Trump ta pega den un bataya feroz pa influencia cu China den Latino America, na cual su administracion ta referi como parti di “nos hemisferio.”

Boric a bisa cu su reunion cu Kast a caba den acrimonia despues cu Kast a exige pa Boric hala atras su declaracion cu el a informa su sucesor tocante e proyecto di cable. Boric ta bisa cu el a bisa Kast dia 18 di februari cu el a ricibi menasa di Merca tocante e proyecto, cual ainda no tin aprobacion di autoridadnan Chileno.

Kast a bisa cu el a suspende cooperacion cu Boric riba e transicion pasobra e no ta confia e informacion cu gobiernu saliente a duna. Manera Trump, Kast a gana eleccion riba un promesa di deportacion masivo di migrante.

Aruba Tai Chi Academy a celebra Aña Nobo di Cabay di Candela



Diasabra 28 di februari ultimo, Aruba Tai Chi Academy a tene su 'Fire Horse New Year celebration. Esaki ta un celebracion cu e academia tin pensa di celebra tur aña.

BUCATINI
MARKET & CUCINA

JOIA
BY IBEROSTAR

DOPPIO

Piacere

2x1 on the pizzas & pastas menu.

WEDNESDAYS 5:30PM TO 10PM

Reservation number: 699-9317 | @bucatini.aruba

Selena Gomez ta responde na critica contra su casa Benny Blanco dunando un sunchi na su tenchi



(TMZ) - Benny Blanco recientemente a ricibi hopi atencion durante e prome episodio di su podcast, "Friends Keep Secrets," pa motibo cu el a aparece pia abao, y su pia tabata sushi. Awo, Selena Gomez, su casa, a responde den otro episodio di e podcast, poniendo un sunchi riba Blanco su tenchi.

Gomez a laga bon cla cu e no tin ningun problema cu e critica riba internet contra e pianan di Blanco, poniendo un sunchi riba su tenchi... cual ainda tabata muestra un tiki sushi.

Maske e planta di su pia no tabata mesun preto cu durante e prome episodio, toch nan no tabata completamente limpi, y por a mira un tiki stof riba e pia, algo cu no a parce di molestia Gomez.

E sunchi a yega memey di un combersacion profundo, adulto tocante yiu - na momento cu Gomez a mira e pia di Blanco casualmente riba mesa y a probecha di e momento, lagando Blanco sorprendi.

Di e manera aki, Gomez a muestra cu critica contra su casa no ta afecta nan relacion.

Todd Meadows di 'Deadliest Catch' ta fayece cu 25 aña



(FoxNews) - Todd Meadows, e deckhand mas nobo di "Deadliest Catch," a fayece dia 25 di februari mientras e tabata pisca cerca di costa di Alaska. E tabatin 25 aña di edad.

Capitam Rick Shelford a bisa cu morto di Meadows ta "e morto mas tragico den historia" di su boto, e Aleutian Lady, den un declaracion comparti riba rednan social.

Circunstancianan rond di su morto no tabata conoci inmediatamente.

"Todd tabata e miembro mas nobo di nos tripulacion, rapidamente el a bira famia," Shelford a skirbi online. "Su amor pa piscamento y su etica laboral fuerte a gana respet di tur hende mesora."

"Su sonrisa tabata contagioso y e zonido di su harimento (...) ta algo cu nos ta bay hiba cu nos semper."

Rapper Britanico condena pa 12 aña den prison pa mata estudiante den hit-and-run

Rapper Britanico "Ghetts" a ser condena diamars pa un corte na Londres na 12 aña den prison despues cu a mata un estudiante mientras cu e tabata coriendo cu velocidad exceso y bao di influencia di alcohol.

E artista di genero musical grime y ganador di premio, kende su nomber real ta Justin Clarke-Samuel, no a stop despues cu su BMW a dal un ciudadano Nepales, Yubin Tamang, di 20 aña, noordoost di Londres luna pasa.

E acusado di 41 aña a admiti

cu el a causa morto door di coremento peligroso.

Na su sentencia na corte Old Bailey di Londres, hues Mark Lucraft a dicta e condena di 12 aña den prison y a prohibie di core auto pa 17 aña. El a bisa Clarke-Samuel cu grabacion di CCTV a mostra "un serie realmente espantoso di e incidente" cu a precede e colision fatal.

E hues a nota e tata di dos su "remordimento genuino" y cartanan di apoyo, incluyendo di su pareha, describiendo con el a usa su carera musical

pa haci un impacto positivo den su comunidad.

Ghetts, kende a colabora den cancionnan cu Ed Sheeran y a gana premio pa miho acto masculino na Music of Black Origin (Mobo) Awards na 2021, a test 1,5 biaha mas halto cu e limite legal di alcohol den sanger prome cu e accidente.

El a pasa door di seis luz cora, a desvia repetidamente pa e banda incorrecto di caminda y tabata conduciendo cu mas di dos biaha e limite di velocidad den un zona di 48 kilometro pa ora prome cu su auto a dal Tamang ora e tabata crusando caminda, corte a tende.

E acusado no a haci ningun yamada na servicio di emergencia y Tamang a muri di su heridan na hospital dos dia




despues. Clarke-Samuel tabatin 12 condena anterior pa 27 delito desde edad di 16 aña, incluyendo robo, tumamento di vehiculo y ofensa di trafico. Sharmila Tamang, mama di e victima, a yora ora el a lesa un declaracion tocante su unico

giu den corte. "Mi yiu a bin pa su estudio na Reino Uni bisando cu Reino Uni tin e miho diploma di mundo," el a bisa.

"Pero riba caminda pa cas esaki a sucede y el a perde su vida."

Rapper Hulandes Yukkier B ta muri di cancer di riñon cu 56 aña



(NLTimes)—Rapper Hulandes-Turco Yukkier B, naci como Yuxsel Ozince, a muri diadomingo na edad di 56 aña pa cancer di riñon, su ex-pareha a anuncia via un pagina di crowdfunding crea pa su entiero, Nu.nl ta reporta.

"El a muri trankilamente," su ex-pareha a skirbi. Di-aluna mainta, el a informa cu mas di 16.000 euro a ser recauda pa su despedida, loke tabata suficiente pa organisa e entiero manera Yukkier B a desea. "Mi kier gradici tur hende pa tur e apoyo y lo mi comparti e fecha di entiero tambe," el a sigui. "Mientras tanto, nos ta pidi tempo y paz pa nos por lamenta e perdida aki."

Yukkier B a bira conoci na 1997 cu e cancion 'Wat Nou!'. E tambe a aparece riba single 'Zoete Inval' di rapper Hulandes Extince, cual a

yega number 30 riba lista di Dutch Top 40. Na 1998, el a gana un TMF Award den categoria di rap.

Comunidad di hip-hop Hulandes a reacciona cu shock na su morto. Rapper Extince a skirbi riba Instagram cu ora el a muda pa Amsterdam 40 aña pasa, Yukkier B tabata un di e prome personanan cu el a conoce. "Nos lo mantene bo nomber bibo, ruman," el a bisa.

Rapper Brainpower, kende a traha cu Yukkier B riba e cancion 'Zoete Inval', a referi na dje como "un berdadero pionero" y "un ruman den rima." Rapper Skate the Great, ken tambe a participa den e track, a bisa cu Yukkier B a "bay demasiado pronto." Rapper Cliften Nille di e grupo Spookrijders a rindi homenahe citando su mesun cancion, skirbiendo: "Bo ta e homber."

BANCO DI CARIBE ATM NOW AVAILABLE IN NOORD

A Banco di Caribe ATM is now available in Noord, conveniently located outside NG's Supermarket in Kamay.

Quick, secure access to your cash - right where you need it.

Skill on your side

BANCO DI CARIBE

IOC cu yamado pa ‘sosten’ pa Paralimpiconan for di paisnan afecta pa guerra

(AFP)—Comite Olimpico Internacional (IOC) a haci un apelacion pa “sosten” pa atletanan cu ta biaha pa e Weganan Paralimpico di Milano-Cortina for di paisnan afecta pa guerra, pero a nenga di comenta explicitamente riba e guerra entre Merca y Israel cu Iran.

Ceremonia di apertura di Paralimpico lo tuma lugar na Verona diabierna, menos cu un siman despues cu e conflicto a estaya den Medio Oriente.

Sin nombra ningun pais, IOC a lamenta un “mundo sacudi pa conflicto, division y tragedia”.



El a reitera cu e no tin “ningun medio di imponi” un resolucion riba e Tregua Olimpico, adopta na november pasa pa Nacionnan Uni.

E texto no vinculante, inspira

pa e paso sigur duna na participantenan den e Weganan Antiguo, tabatin como meta en particular pa permiti tur atleta cualifica pa e Olimpiada di Invierno luna pasa y Paralimpico di Invierno cu ta

habri na Italia diabierna “bi-aha pa paisnan anfitrión”.

“P’esey nos ta haci un apelacion na tur Estado Miembro di UN pa sostene atletanan cu a cualifica pa Paralimpico di Invierno Milano Cortina 2026, y cu por ta afecta pa conflicto mas reciente, den nan biahe pa e Weganan aki,” IOC a bisa den un declaracion.

Ora AFP a contacta IOC, un vocero a confirma cu e organismo no lo comenta mas riba atakenan Israeli-Mericano lansa diasabra contra Iran, ni riba e atakenan di represalia haci pa Teheran den e Golfo.

Reaccion di IOC ta contrasta fuertemente cu su respuesta

despues cu Rusia a invadi Ucrania cuater aña pasa.

E tempo ey, IOC inmediatamente a condena e “violacion di e Tregua Olimpico pa gobierno Ruso y pa gobierno Bieloruso cu a sostene esaki”, y despues a recomenda federacionnan internacional cancela competencianan programa den ambos pais y prohibi nan bandera—recomendacionnan cu ainda ta vigente.

E tambe a recomenda exclusion di atletanan Ruso y Bieloruso for di tur evento internacional, prome cu a reinstala nan un aña despues bao di un bandera neutral y condicionnan estricto.

Comite Ehecutivo di ODESUR di bishita na organisacion di Panama2026

Presidente di COA Wanda Broeksema ta bishita Panama2026 como miembro di ODESUR

Siman pasa e comite ehecutivo di “Organización Deportiva Suramericana” (ODESUR) tabata presenta na Panama City – Panama pa asina reuni cu e comite organisador di e y ricibi tur informacion di e preparacion pa Weganan Suramericano di Hubentud Panama2026.

Aki Presidente di Comite Olimpico Arubano (COA) Sra. Wanda Broeksema tabata presente, como e ta miembro di e Comite Ehecutivo di ODESUR. E bishita aki a dura dos dia largo y intenso

di hopi reunion y bishita na diferente sede di operacion y competencia, unda cu por a constata cu tur cos ta riba bon caminda pa un gran evento aki algun siman.

Ta bon pa remarca cu e Weganan aki lo tuma luga proximo luna den april y TEAMARU lo ta presenta pa participa cu atletanan di diferente deporte.

Pronto lo cuminsa comparti mas informacion di e Weganan aki y e participacion di Aruba.



Torneo di tennis na UAE interumpi despues di atake cu drone

(APF)—Un torneo di tennis ATP Challenger na Fujairah, den Emiratonan Arabe Uni (UAE), a ser interumpi diamars despues di atakenan cu dren riba refinarianan di petroleo den bisindario.

Restonan cu a cay for di e interceptacion di un drone a causa un candela den un veld di petroleo situa rond di 15 kilometer for di e sitio di torneo riba circuito mundial masculino di segundo nivel.

“Partidonan na e evento ATP Challenger Tour na Fujairah a ser suspendi awe despues di un alerta di seguridad,” ATP a bisa den un declaracion.



“Den linea cu protocolnan di seguridad estableci, e torneo a stop inmediatamente y hungador, oficialnan y personal a ser dirigi pa areanan designa sigur. “Salud, seguridad y bienestar di nos hungadornan, personal y organisadornan di torneo ta nos prioridad.

“Despues di consulta cu autoridadnan local y asesornan di seguridad, a cancela e competencia pa resto di dia como medida di precaucion.”

Un video riba red social ta mostra dos hungador—Daniil Ostapenkov di Belarus y Hayato Matsuoka di

Hapon—coriendo pa refugio despues di un anuncio publico. Dies partido den e prome ronda di cualificacion pa torneo a ser completa dialuna.

“Mi a caba mi partido na Fujairah, di dos ronda, pero wega ta suspende pa awe,” hungador Ucrainiano Vladyslav Orlov a bisa riba Instagram.

“Ora mi tabata hunga, mi a tende zonido di avionnan militar bulando aki aya. Y tin huma, cerca di e sero, pues awor no ta hopi safe akinan.”

UAE ta blanco di mas cu 800 drone y 200 misil desde diasabra, segun su ministerio di Defensa.

Diasabra Merca y Israel a cau-

sa guerra cu ta expandiendo rapidamente cu un atake riba Teheran cu a mata e lider supremo ayatollah Ali Khomeini y varios otro figura Irani importante, sigui pa dianan di atakenan aereo y cu misil cu meta pa debilita gobierno restante.

Pero forsan arma di Iran a responde cu atakenan cu misil y drone riba Israel, emba-hadanan di Merca y basenan militar, y riba su bisiñanan Arabe rond di e Golfo.

Dialuna, e Federacion Internacional di Tennis a bisa AFP cu dos torneo masculino di tercer nivel programa pa mas despues den luna na Fujairah a ser posponi.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Alberto Perret

Seis aña sin vuelonan directo entre Aruba y Venezuela *Promesanan Kebrante, Mitonan di Migracion, y Oportunidadnan pa Turismo*

ORANJESTAD, Aruba — Pa mas di seis aña, no ta batin ningun vuelo comercial direct entre Aruba y Venezuela — un situacion cu a frustra biaheronan, empresarionan, y famianan Venezolano na tur dos banda di Lama Caribe. Loke a cuminsa como un ciere temporal relaciona cu inestabilidad politico den e region, a bira un interrupcion a largo plazo den conexcion aereo cu ningun di e dos gobiernonan ainda no a logra resolve.

Un Politica Naci den Crisis — Ainda No a Ser Revoca

E interrupcion di servicionan aereo direct ta remonta na 2019, ora gobierno Venezolano a cera su frontera terrestre, maritimo y aereo cu Aruba. E ciere aki tabata inicialmente hustifica den medio di turbulencia politico y economico na Venezuela y preocupacionnan tocante crasadan irregular y orden publico. Aruba a responde cu prohibicion di vuelonan y prolongacion

continuo di regulacionnan cu efectivamente a prohibi vuelonan di pasahero, carga y aviacion general entre e dos teritorio.

Promesanan Posponi

Na principio di 2024, Prome Minister di Aruba, Mike Eman, a sugeri cu restriccionnan por a wordo kita pronto, pero despues e prohibicion di vuelonan a wordo extendi pa 90 dia adicional, frustrando comunidannan di negoshi y turismo na tur dos banda.

E extensionnan — hopi biaha renoba sin progreso cla pa habri atrobe y sin splicacion — a trece criticanan di promesanan kebrante cu a laga famianan, empresarionan y planificadornan di biahe den un estado di incertidumbre.

E Argumento di Migracion: Mito contra Realidad

Un di e motibonan cu algun biaha ta wordo presenta den debate publico ta cu habri vuelonan directo atrobe lo

empeora “migracion ilegal.” Pero e hechonan ta muestra cu no ta vuelonan directo a impulsa crasadan irregular:

Venezolanonan mester tin visa prome cu nan drenta Aruba, eliminando posibilidad cu hende por simplemente “bula drenta ilegalmente” sin documentacion. Gran parti di migrantenan irregular ta yega via laman — no via avion — pasobra vuelonan ta rekeri paspoort, visa, ticket di salida y hopi biaha prueba di fondo. Den otro palabra, ausencia di vuelonan directo tin poco of nada di haber cu esey.

Menos Bishitante — Pero di Mas Balor

Ta importante tambe pa reconoce un realidad: hopi menos Venezolanonan lo biaha awe compara cu dies aña pasa. Condicionnan economico na Venezuela ta nifica cu hopi simplemente no por paga biahe pa Aruba. Sinembargo, e segmento cu si por biaha ta di otro perfil — individuonan y famianan cu ingreso disponible halto.

Esaki no ta turismo di masa. Ta turismo niche cu gastonan halto.

Historicamente, bishitantenan den e segmento aki ta:

- Cumpra hopi na boticanan y joyerianan den centro di Oranjestad
- Come na restaurantnan di nivel halto
- Disfruta bida nochi di Aruba
- Keda na hotelnan di calidad halto

Pa Aruba, cu ya ta depende fuertemente riba mercadonan di Norte America, un diversificacion regional limita pero di halto balor por ta particularmente beneficioso durante lunanan mas calma di turismo. Ora biahe for di Merca ta baha temporalmente, conectividad regional dirigi por yuda destabilisa e tasa di ocupacion, benta di detal y trafico di restaurant.

Diversificacion ta Strategico

Economia di Aruba ta basa

riba turismo. Dependencia excesivo di un of dos mercado principal ta crea vulnerabilidad. Diversifica fuente di bishitantenan — hasta den cantidad modesto — ta fortifica residencia.

Habri vuelonan directo bonifica bolbe na volumennan di pasado. E ta nifica crea conectividad controla, legal y beneficioso pa Aruba.

Mirando pa Dilanti

Dinamicanan politico y di siguridad na Venezuela — incluyendo e reapertura reciente di espacio aereo Venezolano pa algun companianan internacional — eventualmente por haci acuerdonan nobo posibel. Pero te na principio di 2026, vuelonan directo entre Aruba y Venezuela no a reinicia, y no tin fecha fiho publicamente acorda.

Restaura e conexcion aki — di manera responsable — ta coregi e situacion lamentable. Ohala Minister Wendrick Cilia haci algo tocante e asunto.

DNM ta conmemora Dia Mundial di Bida di Bestia y Mata Salvahe 2026

Ayera dia 3 di maart, Aruba y mundo ta celebra Dia Mundial di bida di bestia y mata salvahe y na Ingles yama “World Wildlife Day” (WWD). E aña aki, Nacionnan Uni a dedica e dia aki na e rol fundamental cu mata medicinal y aromatico tin den nos bida diario, bou di e tema: “Mata Medicinal y Aromatico: ta yuda conserva salud, herencia y sobrevivencia”.

Desde cu Asamblea General di Nacionnan Uni a proclama e fecha aki na 2013, 3 di maart a bira un evento anual di mas grandi dedica na bida salvahe di mata y bestia. E fecha ta recorda e firmamento di e convenio di CITES (Convention International Trade in Endangered Species of Wild Fauna and Flora), di cual Aruba tambe ta forma parti di esaki, cu e meta pa percura cu comercio internacional di especie salvahe no ta forma un menasa pa nan

sobrevivencia.

E balor di nos flora local

Directie Natuur en Milieu (DNM) ta enfatisa cu tin matanan protegi den acuerdo nos leynan local vigente, cu nos antepasadonan a uza como base di medicina casero. Na Aruba, e uso di mata pa remedi casero ta forma parti di nos herencia cultural. Pero e matanan aki no ta solamente base di hopi remedi pero nan ta importante pa e ecosistema di flora y fauna. Segun datonan global, rond di 70% pa 95% di e poblacion den paisnan den desaroyo ta depende di medicina tradicional. Esaki ta inclui matanan manera Aloë, orkidia y hopi otro sorto cu ta crece den naturalesa.

Balor economico y cultural cu ta mara na mata medicin alta:

- Salud: Hopi componente activo den remedi moderno ta bin directamente for di fuentenan natural.
- Sobrevivencia: Un den cada cinco persona rond

mundo ta depende di mata pa nan alimentacion y entrada.

- Ecosistema: tin di e matanan aki ta crucial pa polinizacion manera e trabou cu parhanan, abeha, raton di anochi y barbulet ta haci.

Menasa y Conservacion

DNM ta informa cu globalmente mas cu 20% di e especienan di mata medicinal ta na peliger di extincion riba e “IUCN Red List”. Factornan manera destruccion di habitat y cambio di clima ta e menasa principal.

Pa 2026, e enfoke ta pa percura pa uso sostenibel di e recursonan aki, respetando e conocimiento tradicional y protehendo e biodiversidad pa futuro generacion. Esaki ta cuadra cu e metanan di e Kunming-Montreal Global Biodiversity Framework pa proteha bida salvahe contra comercio ilegal y degradacion di habitat.



Yamada na comunidad Dia Mundial di Bida di Bestia y Mata Salvahe ta un momento pa nos tur para keto y aprecia e bunitesa di nos naturalesa. Directie Natuur en Milieu ta invita comunidad di Aruba pa siña mas di nos flora y fauna local y pa contribui na nan proteccion. Y pa loke ta trata

e sorto di mata invasivo Neem, por sigui kita nan y traha remedi casero y otro uso manera pesticida natural tambe.

“Nos bida ta mara na naturalesa. Door di cuida nos mata y bestianan salvahe, nos ta cuida nos propio salud, herencia y futuro.”

A bin haya homber benta den mondi despues di paranda na Palm Beach

Diadomingo mainta a drenta informe di cu tin un homber benta den mondi y no sa si e ta na bida of no na Palm Beach, mesora a dirigi un patruya na e sitio.

Na yegada di e patruya polis nan mester a bay den un hanchi haya e homber benta abao drumi despues di basta trabao a logra pa lant'e.

Polis a nota di biaha cu ainda e ta burachi como cu e ta cu auto polis a laga yama su ru-man pa bin busk'e.



Manehador di Harley a bay dal su cara riba muraya di rotonde Bushiri

Diadomingo madruga a drenta informe di un accidente cu hende herida na e rotonde di Bushiri, mesora a dirigi tanto polis como ambulance na e sitio.

Na yegada di e patruya a bin compronde cu algun persona a bin haya un manehador di un Harley Davidson benta abao cu sanger na cara y e motocicleta mes benta un banda. Ta calcula cu e manehador lo por a pega soño of lo



a bira malo y su so cu su so a accidenta.
Na yegada di e ambulance

nan a atende y a transporte pa hospital.




Na Pos Abao un chauffeur burachi a baha caminda na man drechi dal palo di luz




Diadomingo madruga a drenta informe di un accidente na Pos Abao, mesora a dirigi un patruya na e sitio.

Na yegada di e patruya a bin compronde cu aki ta trata



di un dama chauffeur di un Hyundai Accent bayendo direccion pariba a baha caminda na man drechi y a bay

dal riba un palo di lus. Aunke e impacto tabata fuerte toch e dama no a resulta herida.



Ora polis a test e dama esaki tabata bastante burachi cu casi no por a cana riba su pi-anan y nan a detene.

Pelea na Tanki Leendert a caba cu 2 persona herida cu boter; un na caba y e otro na brasa cu 2 hinca

Diadomingo madruga a drenta informe di un caso di bringamento unda 2 persona a resulta herida na un club nocturno na Tanki Leendert, mesora a dirigi tanto polis como ambulance na e sitio.

Na yegada di e patruya ya caba e pelea a termina y po-

lis a compronde cu 2 persona a resulta herida un cu boter na caba y e otro cu 2 hinca na su brasa. Na yegada di e ambulance nan a bisa cu nan mes ta hiba nan.

Ambulance a pidi pa nan check e heridanen pero nan mes kier a bay y a bay cu auto particular.



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com




Chauffeur burachi a pasa dal un peaton banda di caminda na Tanki Flip

Diadomingo madruga a drenta informe di un accidente cu hende herida na Tanki Flip, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda un chauffeur bayendo nort lo a baha caminda na man drechi y dal un peaton banda di caminda. E peaton a bay halto y despues cay abao.

Na yegada di e ambulance nan a atende e victima y a transporte pa hospital, mientras polis a test e chauffeur y a bin resulta cu e ta bao influencia y nan a detene.



Homber di edad haya cu cara tur na sanger despues di a cay cu bicicleta

Diasabra anochi a drenta informe di cu tin un homber cara tur na sanger sinta abao dilanti un cas na Companashi, mesora a dirigi tanto polis como ambulance na e sitio.


Na yegada di e patruya a bin compronde cu aki ta trata di un homber di edad cual tabata coriendo bicicleta y na dado momento el a perde balans y a cay riba su cara cual tabata sangrando. Na yegada di e ambulance nan a atende



e victima y a transporte pa hospital. Polis a avisa su famia y a duna un familiar e bicicleta pa bay na su cas cual no ta mucho leu for di eynan.



Polis a hala atencion di homber cu tabata sigui un muhe



Diasabra anochi un dama a yega na warda di polis di Oranjestad bati porta pidiendo auxilio pasobra un homber tabata sigui den auto, mesora polis a

sali pafo pa atende cun'e.

Pafo e homber cada rato tabata blo halsa bos. Polis a bay paden cu e dama y asina tuma tur su declaracion.

Mientras pafo polis tabata splica e homber cu locual e ta haciendo no ta bon ni pa e muhe ni pa trafico y a core cun'e for di e sitio

Polisnan di Oranjestad y Noord a bay pa un pelea na parking lot di un discoteca



Diadomingo madruga a drenta informe di cu tin un pelea andando na e parking lot di un discoteca na Sasaki, mesora a dirigi patruyanan di Noord y Oranjestad pa e sitio.

Na yegada di e patruya nan a ripara cu ya caba e partidonan envolvi ya a bandona e sitio. Esey lo tabata despues cu nan a tende cu polis a ser yama.

Muher Britanico cu a reporta violacion na Hong Kong condena pa chantaje

(AFP)— Un muher Britanico ta enfrenta prison na Hong Kong despues cu el a ser haya culpable di chantaje y di distorsiona curso di husticia diamars pa reporta falsamente cu el a ser viola pa un empleado di banco den e ciudad.

Isabel Rose, di 25 aña, a conoce e homber Britanico involucra un den caso na Thailand, prome cu nan a topa otro atrobe na Hong Kong na januari 2024, segun documentonan di corte.

El a presenta un denuncia di violacion na februari di e mesun aña, algun dia despues di



un encuentro cu e empleado di banco, kende posteriormente a ser aresta.

Pero el a ser libera sin un acusacion formal, y na su

lugar Rose a ser acusa cu un cargo di chantaje y un cargo di distorsiona curso di husticia.

Fiscalnan a acus'e di menasa

pa “haci un denuncia falso na polis” pa extorsionate 100.000 pound (\$133.000) for di e homber.

Hues di Corte Distrital Adriana Noelle Tse Ching a bisa cu e fiscalia a “proba ambos cargo mas aya di tur duda razonable”.

“E demandanan no tabata hustifica. E alegacion di violacion tabata falso. E acusado tabata sa cu su alegacion tabata falso,” Tse a bisa.

Rose a haya orden di keda deteni te su sentencia riba 22 di juli. Bao di ley di Hong Kong, ambos delito por resulta den tempo di prison.

Rose y e homber a drumi den e mesun cama den un apartamento na Hong Kong riba 31 di januari 2024, segun documentonan di corte.

Riba 2 di februari, e homber a transferi 5.000 pound na dje y a bisa cu mas placa lo bin. Pero Rose a cuminsa pidi “sumanan di placa cu tabata keda aumenta”, y despues a presenta un denuncia na polis.

Tse a determina cu nan “a participa den acto intimo consensual”, agregando cu un examen medico e tempo ey “no por a confirma ni desmenti si relacion sexual a tuma lugar”.

Atakenan nobo di Israel y Iran den henter region Ultimo desaroyonan den e guerra den Medio Oriente

(AFP)—Atakenan di Merca y Israel a dal blanconan den henter Teheran diamars mientras presidente Donald Trump a gaba di daño extensivo y a bisa cu tabata “demasiado laat” pa dialogo.

Iran a responde cu atakenan cu drone y misil riba embaadanan di Merca y blanco economico rond di e Golfo riba e di cuatro dia di guerra, mientras cu Israel a bay mas profundo den Libanon pa lucha contra e milicia Hezbollah respalda pa Teheran.

Aki ta ultimo desaroyonan:

Trump ta elogia impacto di atakenan

“Casi tur cos a ser destrui,” Trump a bisa tocante e atakenan di Merca y Israel riba Iran, ora el a reuni cu canciyer Aleman Friedrich Merz na Washington.

Trump a bisa periodistanan cu el a actua pa evita Iran ataca prome, y cu e “posiblemente a forsa man di Israel”.

Mayoria posible lidernan nobo di Iran ta morto: Trump Trump a bisa cu dos ola di atake di Merca y Israel riba Iran a mata figuranan cu e tabata mira como posible lidernan nobo. “Mayoria personanan cu nos tabatin na mente ta morto,” Trump a bisa.

El a bisa cu “e pio escenario” lo ta “si un hende tuma poder cu ta mesun malo cu esun an-



terior”.

Minister di Asunto Exterior di EU y Golfo lo papia
Ministernan di Asunto Exterior di Union Europeo y di paisnan di Golfo lo tene un combersacion via video diahuebs, oficialnan a bisa AFP.

Rusia ta haci yamado pa desescalacion

Minister di Asunto Exterior di Rusia, Sergei Lavrov, a urgi desescalacion den un yamado cu su homologo Irani Abbas Araghchi, Moscu a bisa.

Reino Uni ta manda nave di guerra

Reino Uni lo manda un nave di guerra y helicopternan cu capacidad anti-drone pa “operacionnan defensivo” na Chipre despues cu un base militar Britanico aya a ser afecta pa un drone, prome minister Keir Starmer a bisa.

Iran ta menasa centronan economico

Un general di e Guardia Revolucionario Islamico a adverti cu si atakenan di Merca y

Israel continua, Iran lo haci represalia contra “tur centro economico” den Medio Oriente.

Sistema di Iran ta resistente: viuda di e ultimo shah

Farah Pahlavi, viuda di ultimo shah di Iran, a bisa AFP cu e morto di lider supremo Ali Khamenei no necesariamente lo causa e caida di gobierno. “Fayecimento di un hende—ni maske con central e por ta den arkitektura di poder—no automaticamente ta nifica fin di un sistema,” Pahlavi a bisa, kende ta biba den exilio na Paris.

Israel ta apunta riba produccion di misil di Iran

Ehercito di Israel a bisa cu el a dal sitionan industrial Irani usa pa produci armamento, “particularmente misil balistico”.

Aeropuerto di Teheran afecta
Aeropuerto Mehrabad di Teheran—cu principalmente ta maneha vuelonan domestico—tabata blanco di e atak-

enan, segun agencia di noticia Mehr.

Accionnan ta baha, petroleo ta subi

Accionnan na Merca a baha mientras cu prijs di petroleo a subi drasticamente mientras e guerra ta interumpi suministro, cu Estrecho di Hormuz practicamente cera y infraestructura di energia den henter Medio Oriente afecta,

Prijs di petroleo Brent tabata riba \$83,79 pa bari despues cu anteriormente a pasa \$85 pa bari.

Prijs di oro y plata a baha fuertemente mientras comerciantenan a pone bet riba energia y dollar Americano.

Explosionnan “di gran escala” na Teheran

Explosionnan fuerte a sacudi Teheran, unda despues e ehercito di Israel a bisa cu el a lansa un ola nobo di atakenan “di gran escala” riba e capital “apuntando riba infraestructura di e regimen terrorista Irani na Teheran”.

Medionan Irani a bisa cu e centro di Teheran a haya golpi, y tambe e ciudad religioso di Qom, unda edificionan usa pa e organismo oficial cu ta scoge e lider supremo nobo di Iran a haya golpi

“Demasiado laat” pa dialogo

Trump a bisa cu tabata “demasiado laat” pa dialogo cu Iran, skirbiendo riba su plata-

forma Truth Social cu defensa aereo, forsa aereo, marina y liderato di Iran “a desaparce”.

“Nan kier papia. Mi a bisa ‘Demasiado Laat!’” Trump a bisa—dos dia despues cu el a bisa e lo acepta dialogo.

Cifranan di morto reporta di Israel y Iran

Autoridadnan Israeli a bisa cu por lo menos 12 persona na Israel a keda herida den ultimo lansamento di misil Irani. Anteriormente, Media Luna Cora Irani a bisa cu mas di 780 persona a muri den henter Iran desde cu e conflicto a cuminsa. AFP no a logra verifica e cifra.

Atakenan riba Beirut

Atakenan aereo Israeli a dal suburbionan sur di Beirut, un area unda Hezbollah tin influencia fuerte, cu agencia estatal di noticia di Libanon reportando “daño extensivo na edificionan”.

Iran ta menasa adversarionan Guardia Revolucionario di Iran a adverti di atakenan aun mas intenso riba forsanan di Merca y Israel, cu un vocero bisando riba television estatal: “Portanan di infierno lo habri mas y mas.”

Israel kier ‘buffer zone’ na Libanon

Israel a duna orden na su forsanan pa tuma control di mas posicion den Libanon pa crea un buffer zone. Como respuesta, e ehercito Libanes a retira algun di su forsanan

Prome “Baki den Bario” pa 2026 na Tanki Leendert

Aruba ta continua fortalece su compromiso cu limpieza y orden den bario, cu e anuncio di e prome edicion di “Baki den Bario” pa aña 2026, cu lo tuma luga diasabra 7 di maart den e bario di Tanki Leendert. Accion lo ta riba un tereno cu ta keda net patras di Scol Colegio Ora Ubao. E iniciativa, cu a haya bon respuesta durante 2025, ta un esfuerzo conhunto entre Serlimar, City Inspector, DOW, Compania Carenza y demas stakeholders, cu e meta di facilita comunidnan cu un forma practico, accesibel y organisa pa deposita sushi y desperdicio voluminoso.

Durante e anuncio, Prome Minister Mike Eman a destaca cu “Baki den Bario” no ta solamente un actividad di



limpiesa, pero un instrumento concreto pa acerca servicio publico mas cerca di e ciudadano.

Na caminda pa Baki permanente

Ademas di e edicion regular den bario, Gobierno a confirma cu tin plan pa pronto introduci un sitio piloto permanente, cu lo ta disponibel 24 ora pa dia, 7 dia pa siman. E sitio aki lo permiti deposicion di diferente tipo di desperdicio, tanto residencial

como comercial, sin costo pa e usuario.

E meta ta pa habri e prome sitio permanente na final di maart of comienso di april. Cu esaki, gobierno kier reduci e necesidad pa transporta desperdicio pa otro area remoto y facilita un solucion mas structural pa maneho di sushi. Segun stakeholders, e iniciativa ta basa riba colaboracion amplio. “Nos ta mira con Aruba por bin hunto pa mantene nos isla limpi. E apoyo di diferente entidadnan publico y priva ta fundamental pa logra e meta aki.”

“Baki den Bario” lo sigui move pa diferente bario grandi riba e isla durante 2026, sigurando cu cada parti den comunidad tin oportunidad pa participa activamente den mantencion di un Aruba mas limpi y ordena.

Entre 9 cu 13 di maart na Carnival Village

Yamado pa scolnan, gruponan di baile, instancianan y fundacionnan cultural participa den Feria Patriotico

Comision Celebracion Di-anan Nacional (CCDN) ta extende un invitacion na henter comunidad pa asisti n’e grandioso Feria Patriotico cuminsando riba 9 di Maart 2026 te cu dia 13 di Maart 2026. Durante e Feria Patriotico aki por disfruta di diferente tentnan conoci pa nan cuminda y pasabocanan crioyo, arte y articulonan pa celebra nos dia di Himno y Bandera. E biaha aki CCDN a acerca entre otro scolnan basico y secundario, gruponan di baile, instancianan y fundacionnan cultural pa forma parti di nos celebracion historico den diferente forma manera creatividad den arte, declama poesia, baile, canto y mucho mas.

Mirando cu nos ta celebrando 50 aña di nos Himno y Bandera y 40 aña di Status Aparte, Gobierno di Aruba a opta pa expone y celebra esaki grandemente e biaha aki cu mas dia, pa asina comunidad henter por disfruta den un ambiente di celebracion. Entrada pa e Feria Patriotico ta completamente gratis. Esaki lo tuma luga riba e fechanan menciona na Carnival Village na San Nicolas di 7:00 pm - 10:00 pm.

E Feria Patriotico lo conta cu musica, baile, arte, canto y demas actividadnan cultural pa entretene tur presente cu un ambiente cultural y patriotico.

Tur cu ta desea di participa na e Feria Patriotico por hazi uzo di e siguiente linknan, tuma nota cu e link ta cera dia 4 di maart 2026; <https://forms.office.com/r/fnD344TihV> (boluntario den e parti logistico)

<https://forms.office.com/r/fnD344TihV> (artistico den cualkier forma den e programa)

Bin cu famia y celebra nos 50 aña di Himno y Bandera y 40 aña di Status Aparte grandemente den un ambiente familiar y cultural den Carnival Village.

Scol secundario por laga nan alumnonan participa den forma di boluntario pa asina laga e hobennan haya mas experiencia den e parti logistico pa cu nos eventonan cultural. Scol basico y secundario tambe por participa den e parti artistico (baile, canto, declama poesia, Teatro y mas). Instancianan cultural y social tambe ta forma parti di e feria cultural den forma di un exposicion di Bon Comun caminda lo tin nan booth pa expone nan producto y/of servicio y duna informacion na publico general.


Resultado Sorteo 3 Maart 2026							
Cadena Alexander Lottery ta presenta resultado di weganan di suerte							
DIARIO		KORSOU		SUPER4		FLAMINGO	
7634		1195		0567		4608	
3970		0894		SUPER5		9342	
6899		8358		-		7446	

MERDIA		ANOCHI	
			
Sorteo # 4907		Sorteo # 8790	
7891		1692	
7782		1717	
8752		7835	
			
X2		X2	
			
Sorteo # 4907		Sorteo # 7834	
8385		9762	
			
X5		FP	
			
Sorteo # 2964		Sorteo # 2539	
4025		2000	
			
Sorteo # 4907		Sorteo # 6593	
9307		5984	
Geminis		Scorpio	
			
Sorteo # 1781		Sorteo # 1523	
543		089	
			
X2		X2	

			
Sorteo #		Joker	Letter
0 x Jackpot		Proximo Jackpot	
0 x Match 4+		220.000,-	
0 x Match 4			
0 x Afl. 12,00			
		03-06-12-20-24	
Sorteo # 7113		Proximo Jackpot	
0 x Jackpot		70.000,-	
13 x Match 4			
219 x Afl 8,00			

		12-21-29-30	
Sorteo # 1849		Mega Ball	14
0 x Jackpot		Proximo Jackpot	
0 x match 4		290.000,-	
1 x Afl. 500,00			
75 x Afl 50,00			
77 x Afl. 15,00			
		Afl. 400.000,-	

		Sorteo #	
Sorteo #			
			

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation
Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Oduber : Aloe:
Tel. 582 1780 Tel. 584 4606

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Estadonan di West Africa ta crea forsa nobo pa lucha contra yihadistanan

(AFP)— Estadonan di West Africa a dicidi durante fin di siman pa crea un forsa nobo di 2.000 soldad pa combate e menasa creciente di yihadistanan den e region, un fuente diplomatico y militar a bisa AFP diamars.

Idea di un forsa anti-yihadista a ser discuti pa añas pa 12 pais miembro di Comunidad Economico di Estadonan di Africa Occidental (ECOWAS).

Sahel, un region cu ta corta Africa separando e parti norte di e continente for di su parti sub-Sahariano, pa añas a ser afecta pa insurgencianan yihadista lidera pa gruponan liga na Al-Qaeda y Estado Islamico.

E gruponan ta particularmente activo den tres ex-colonia Frances—Burkina Faso, Mali y Niger—cual a sali di e grupo ECOWAS den e ultimo añanan despues cu hunta militar a tuma poder den e paisnan.

E tres pais no lo participa den e forsa nobo, oficialnan a bisa.

Despues di un reunion di hefenan militar di ECOWAS na



Freetown riba 28 di februari y 1 di maart, detaye di e forsa nobo pa “combate terrorismo” a ser determina, un alto oficial militar Nigeriano a bisa AFP.

Varios pais participante a anuncia e cantidad di soldad cu nan lo aporta, el a bisa.

E meta inicial ta pa tin rond di 2.000 tropa cla pa lucha contra “terrorismo y inseguridad” den henter West Africa, el a agrega.

Durante e discusionnan, hefenan militar “a pinta un cuadro preocupante di e panorama di seguridad regional”, un fuente cerca di na reunion a bisa.

“Discusionnan a concentra riba aumento di menasa terorista, expansion di crimen organisa transnacional, y desafío persistente relaciona cu inseguridad maritimo,” e fuente a bisa.

Tropanan di e forsa nobo lo keda staciona den nan pais di origen, cu Sierra Leone sirbiendo como base logistico pa e grupo, segun un fuente oficial di Sierra Leone.

Discusionnan riba con pa financiancia e forsa ainda ta andando, un fuente diplomatico a bisa AFP.

ECOWAS ainda no a publica un comunicado oficial.

Pronostico di tempo

Tempo:

Awe tardi y awe nochi: parcialmente nublado y generalmente seco
Den marduga y mañan: parcialmente nublado cu un awasero pasahero

Temperatura maximo 32 grado celsius
Temperatura minimo 26 grado celsius
Indice di calor (heat index) den y rond di oranan di merdia: 33 pa 37 grado celsius
UV index: 12

Bahada di solo : 6:49 pm
Subida di solo : 6:55 am

Biento:

Moderata te basta fuerte for di direccionnan generalmente oost;
Forsa 4 te 5 (20 te 39 km/ora, 11 te 21 nudo).
Durante di dia fuerte te duro den rafaga;
Forsa 6 te 7 (40 te 61 km/ora, 22 te 33 nudo)


Situacion general di tempo pa proximo 24 ora:

No ta spera cambionan grandi den e weer cu tin actualmente. E area fuerte di precision halto cu centro riba atlantico, lo ta e factor principal di weer den region. Esaki lo soro pa biento fuerte te duro, tin bes hopi duro den rafaga y tambe e lo limita actividad di awasero den region.

Un concentracion modera di stof di Sahara ta presente den atmosfera regional. Esaki lo stroba e visibilidad y tambe trece di aire di calidad abao den region. Personanan cu tin sensibilidad pa cambionan den calidad di aire mester tene esaki na cuenta.

Condicionnan maritimo/estado di lama:

Na partinan protegi di costa: Keto cu olanan rond di 1 pia. Na partinan zuid protegi: trankil, 1 te 2 pia. Na partinan zuid no protegi:



trankil te modera cu olanan di 2 te 3 pia.

Na partinan oost te noordwest di costa: Modera te localmente poco bruto cu olanan alrededor di 4 pa 7, localmente e por yega 8 pia.

Aviso/alerta:

Operadornan di boto chikito mester bay cu cautela na partinan oost te noordwest di costa.

Usuarionan di lama y landadonan tambe mester bay cu cautela na partinan expone na zuid, zuidwest y noordwest.


Aurora

Royal Pray

Funeral Home & Crematory

Laga tur locual cu ta sperami ta bunita.
Laga tur locual cu mi encontra na caminda ta bunita.
Laga tur locual cu ta rondonami ta bunita.
Laga tur locual mi ta laga atras keda bunita.
Y laga esakinan termina den tur buniteza.
Cado Wever

Cu inmenso tristesa den nos curason nos ta anuncia fayecimento di nos casa, tata y welo stima.



Mihor conoci como Gabi
*24 Maart 1938 – † 28 Februari 2026

Mayornan:
† Chento & † Chida Croes – de Mey

Na number di su:
Casa:
Francisca “Sita” Croes – Loeftop
Yiunan:
Jermia “Maya” Anthony-Croes viuda di † Randy Anthony
† Marieta Croes
Sharin Croes
Nietonan:
Hayden Anthony
Samantha Schwengle
Yxzaira Anthony
Xander Schwengle
Rumannan:
† Jenchi & † Tichi Croes
† Juanita & † Paulus Croes y Famia
† Cerilio Croes & Yiu y Famia
† Adriano & † Andrea Croes y Famia
† Miguel Croes y Famia
† Antonio & Chita Croes y Famia
Sua & Cuñanan:
† Maria Magdalena & † Nadi Croes y Famia
Marceliana “Canay” & † Patricio Croes y Famia
† Antonio Loeftop
† Damasco “Dama” & Maria Loeftop y Famia
Filomena “Mena” & † Marcolino Erasmus y Famia
Leonardo “Chai” & † Alcida Loeftop y Famia
Altagracia “Inchi” & Everardo de Cuba y Famia
Ethline Loeftop y Famia
Sobrino y sobrina nan, primo y prima, ihanan.
Ayudantenan di cas:
Trinity Aruba, Wit Gele Kruis & Footprints Home Care Aruba.

Un danki special ta bai na su dokter di cas, Dr. van Ool, demas specialistanan y fisiotherapiestanan.

Famia:
Croes, Loeftop, de Mey, Anthony, Schwengle, Lampe y demas famia.

Ta invita pa acto di entierro cu lo tuma lugar dia 6 di Maart 2026 na Aurora Funeral Home di 9or pa 11or di mainta. Despues nos defunto stima lo wordo hiba na su ultimo lugar di sosiego na Santana Catolico di Paradera.

Despues di despedida nos no ta ricibi bishita di condolencia na cas.

Disculpa nos, si den nos tristesa nos por a lubida algun familiar.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu hopi tristesa y conforme cu boluntad di Dios, pero agradecido pa su bida y su amor, nos ta anuncia fayecimento di:



Sra Viuda Laura Valeria Williams-Pietersz
Cariñosamente yama “Lelia”
*28-04-1939 - †26-02-2026
Viuda di: Sr. Vicente Williams

Na number di su:
Subrina/manera un yiu:
Anouschka, Ricardo y famia

Rumannan:
†Shon Tin y †Cleans Pietersz y famia
†Elsy y †Benny de Kort y famia
†Olivia Croes y famia
†Grace y †Victor Larmonie y famia
†Segundo y Reina Pietersz y famia
Paulina y †Thomas Kalinowski y famia
Netto y Sylvia Pietersz y famia
†Martica y †Tommy Arends y famia

Cuña y swanan:
Frits Halley y famia
†Lionel Williams
†James Williams y famia
†Etienne Peterson y famia
†Gloria Williams-Gustina y famia
†Grace Williams y famia
†Ramona Tromp-Williams y famia

Subrino(a)nan, Primo(a)nan

Demas Famia, bisñanan , excoleganan di Aruba Bank y conocirnan.

Amiga stima: Filomena Dubero

Amigo(a)nan di Gayero

Conoci /Amistadnan di cas:
Sherwin Sint-jago y famia
Tonca Vlaun y famia
Benchi Pik y famia
Dutchi Kock y famia

Acto di despedida ta tuma lugar Diahuebs 5 di Maart 2026 di 7:00 pm pa 9:00 pm na Pray Funeral Home na San Nicolaas.
Cremacion lo tuma lugar den seno familiar.

Nos disculpa si den nos tristeza nos por a lubida number di algun famia of conoci.

Nos ta lamenta cu despues di cremacion nos no por ricibi bisita di condolencia na cas.


Aurora

Royal Pray

Funeral Home & Crematory

“Mi a stima boso tur. Laga mi keda bibo semper den boso curason jena cu amor y fe di Dios. Mi tin sigur cu un dia nos lo bolbe reuni contento cu otro y ayanan, tras di porta di cas di nos Tata Celestial lo mi para cu amor ta warda riba boso tur pa mi bolbe primi boso duru na mi curason.
Resa: Nos tata, Ave Maria, Gloria, pa descanso di su alma”.

Despues di un lucha basta largo, a bay sosega den cas di señor, nos casa, mama, ruman, tanta stima:



Ludwina Maria Alberts Larez,
cariñosamente jama: Ma, Pepe Dina,
Dina, Luchi, Lu, Lulu, Mosa.
*Januari 17, 1960 - † Februari 27, 2026

Na number di su:
Mayornan: †Pedro Larez & †Rosa Larez-Rosaria

Su casa stima: Rudy Alberts

Su jiunan cu e la stima: Ydur Alberts & Caroline Cardenas, Rudy Jr. Alberts

Su suegro y suegra: †Mario Alberts & †Ismail Alberts-Paskel

Su ruman nan: Dorothea & Ronald Haemers y famia
Beatrix & Simon Dorothal-Larez y famia
Maritza Larez & famia
Luis Larez & Lilian Maduro y famia
Rina & †Kokping Lee y famia
Gregorio Larez
David Larez y yiunan

Sua y cuña: Maiky & Carmencita Aberts y famia,
Mariana & Deichi Kock y famia, Lucica & †Hildo Rasmijn y famia, Lino Alberts y jiunan.

Su iha nan: Angelo Haemers, Daphny, Semerel-Danjo, Liza Rasmijn y Brian Dorothal.

Tur sobrino (a) nan, tanta nan, primo y prima nan y demas famia nan: Larez, Alberts, Cardenas, Haemers, Dorothal, Maduro, Lee, Danjo, Semerel, De Leon, Rasmijn, Rosaria, Lacle, Pietersz, Geerman, Albertus, Cranston, Bermudez, Schöner, Werleman, Oduber, Kock, Tromp, Boekhoudt, Rosel, Clement, Croes.

Su pastoor stima: Pader Andry, Su colega nan di San Pedro Paveljoen, Huize Maristella y Stichting Hunto.

Demas famia, conocirnan y bon amistad nan di misa Cristo Rey.

Nos disculpa si pa motibo di nos tristesa por a lubida algun miembro di famia.

Ta invita pa e acto di entierro cu lo tuma lugar Diabierna 6 di Maart 2026 na Pray Funeral Home di 2:00 pm pa 4:00 pm di atardi despues lo sali pa Santana Catolico di Savaneta.

Nos ta lamenta cu despues di entierro nos no por ricibi bishita di condolencia na cas.

Aurora

Royal Pray

Funeral Home & Crematory

“Hesus a bis’e: “Ami ta resureccion y bida; esun cu kere den Mi, lo biba asta si e muri.”.
Juan 11:25

Cu hopi tristesa na nos curason, nos ta anuncia fayecimento di nos ser stima:

Ronald V. Fingal
Miho conoci
como ‘Ronnie’
***08-11-1958 –**
†28-02-2026



Na number di su:

Esposa stima: Eveline Fingal-Jacobs

Yiunan stima: Jeffrey Fingal
†Rouël Fingal

Tata: †Everaldo Fingal

Mama: †Jesusita Fingal-Briesum

Madrastra: Theresita Fingal-Loepstop

Rumannan: Leo y Magaly Fingal y famia
Frank y Lourdes Fingal y famia
Sito y Marta Fingal y famia
Maiky y Vanessa Fingal y famia
Sharleen y Jose Kock-Fingal y famia

Sua,- y cuñanan: †Norma y Emiliano Giel y famia
†Hose y Kitty Jacobs y famia
Erica Jacobs y famia
Marcelino y Lady Jacobs y famia
Carmen y Leo Farro-Jacobs y famia
Pedro Jacobs

Tanta: Aura Maria Schwengle-Fingal

Subrino(a)nan: Andhira, Andrick, Richenell, Jeancarlo, Leonardo, Bryan, Nathalie, Mirella, Kendalee, Jesu, Jean Andrew, Jean Marc, Nohely, Valery, Genesis, Shaun y Joseph

Primo y primanan, ihanan y demas famia: Fingal, Jacobs, Briesum, Biesum, Loepstop, Kock, Cardona, Giel, Farro, Maduro, Wolff, Webb, Alberto, de Mey, Boekhoudt, Hernandez, Krozendijk, Bareño, Dubero, Schwengle, Esser, Feliciano, Zara, Figaroa, Habibe, Croes, Maduro, Riley, Fuentes y Werleman

Kier a invita su amigonan, bisñanan, conocinan y ex-coleganan di Setar pa asisti na acto di condolencia y despedida cual lo tuma lugar ariba Diabierna 06 di maart 2026 di 9:30am pa 11:30 am na Misa di Santa Anna Noord y despues lo sali bai pa Santana Catolico na Noord

Nos ta lamenta cu despues di entiero nos no por ricibi bishita di condolencia na cas.

Nos disculpa si nos por a lubida un of otro famia y / of conoci den nos tristesa.

Aurora

Royal Pray

Funeral Home & Crematory

Cu dolor na nos curason, nos ta anuncia fayecimento di:

Joel R. Rajnherc
6 oktober 1949
1 maart 2026

Acto di entiero lo wordo anuncia despues



Aurora

Royal Pray

Funeral Home & Crematory

He that dwells in the shelter of the Most High, shall abide under the shadow of the Almighty.
Psalm 91.

With profound sadness I’m announcing the passing over unto her eternal home of our mother, sister, aunt and grandmother:

Velencia Velma Griffin.
Better known
as “Lencie” or
“Zr.Griffin”
Sunrise 8
december 1954
Sunset 27
februari 2026



Left to moun are Her:

Mother: †Lilian Starrod
Father: †Wilfred “Pops” Griffin

Left to mourn are her son: Christopher & Emely Hodge-Kelly.

Like a loving daughter: Mirella Enser

Siblings:

†Delores Starrod & Tony Callender (U.S.A.)

†Antoni Gario

Laurier & Corry Griffin-Nebbeling(NL)

Lynnie Griffin(NL)

Lenva Griffin(NL)

Grand children she dearly loved:

Xelby , Zion & Brianna Hodge.

Nieces: Joy Walters(U.K.)

Denise Fenton(U.K.)

Carolyn Callender(U.S.A.)

Daniëlle Klasens (NL)

Solankia Dormoy(NL)

Ashmiani Gario(NL)

Ashmira Gario(U.K.)

Nephews:

Joey Griffin(NL)

Sergio Griffin(U.S.A.)

Ashrock Gario

Ashumah Gario

Ashland Gario

+Ashanti Gario

Shamar Dormoy(NL)

Patrick Hessings (NL)

Raymond Hessings (NL)

Cousins:

Sylvia Williams & family

Calvin Anderson & family

Horace Anderson & family

Joyce Mohammed & family

Yvonne Marshal & family

Cecil Anderson & family

Judy Florence

Sandra Williams

Sylvia Ottey

Gloria Hanley

Sonia Griffin

Edna Griffin

Many other cousins in USA, U.K. SMX, St. Kitts.

Godson: Angelo Helder

Special nurse: Debbie McDougal

BFF: Brunilda Illidge

Ex husband: Antonio “Soup” Hodge.

Good friends: Dennis Buckley, Marianne Jeffrey, Vera & Lilian Felter, Dinora Dirks, Cecilia van Kempen.

Other related & extended family members: Griffin, Hodge, Starrod, Gario, Hallman, Scott, Barry, Walters, Callender, Anderson, Williams, Mohammed, Marshall, Hanley, Ottey, Florence, Richardson, Gibbs, Kelly, Enser, Helder, Dormoy, Quant, Rosel.

Many friends and acquaintences.

Ex-colleagues of Dr. Horacio E.Oduber Hospital.

All her WhatsApp friends.

Apologies, if other family members were accidentally omitted.

Farewell services for our beloved Lencie will be held on Saturday, march 7th 2026 from 2pm to 4pm at the Pray Funeral Home in San Nicolaas followed by the cremation.

OLIVE TREE

FUNERAL CARE & CREMATORY

PIEDRA PLAT SANICOLAS
(+297) 582 – 0000 (24h) (+297) 584 – 8888 (24h)
(+297) 630 – 5472 (24h) (+297) 567 – 0862 (24h)

“Señor ta mi wardador, mi n’tin falta di nada;
Den cunucu di yerba berde, E ta ponemi sosega.
E ta hibami na awa tranquil, Pa mi bolbe haña forsa”.
Salmo 23:1,2,3.

Cu inmenso dolor na nos curason, pero conforme cu e
boluntad di Dios,
Nos ta anuncia fayecimento di:

Francisco
Reinaldo Besaril
Miho conoci
como “Butchi”
of “Padu”

***20 September**
1941 – ☐27
Februari 2026



Na number di su compañera di bida:
Francisca “Enita” Ras

Su Yiunan:

Reinaldo MackIntosch y Famia

Guillfred Besaril y Siglaïne

Omar Besaril y Danny

Emmely Besaril y Famia.

Su Rumannan:

☐Alberto “Chombé” Besaril y Famia

☐Pedro “Peruz” Besaril

Candido (Candy) Besaril y ☐Mercedes.

Sobrino, Sobrinanan:

Andy Besaril y Anita

Gina Besaril y Famia

Sandro Besaril y Carolina

Sandra Besaril

Indirah Croes – Besaril y Rimberth

Carlos Besaril y Yelitza

Tamara Bisslik – Besaril y Gerald.

Nieto y Nietanan:

Sophie, Stacey

Nayeli, Zayah

Elena, Gabriel

Shavienne y Elyshua.

Bisanietonan:

Liam y Luna.

Mama di su Yiunan:

Emmely Diana Giel y Famia

Silvia MackIntosch y Famia

Mane un yiu:

Agnes Croes y Famia

Mariela Ras y Famia

Lisa Canhigh y Famia

Ex Collegenan di:

Caribbean Hotel & Casino

Concorde Hotel & Casino

Hilton Hotel & Casino

Aruba Grand Hotel & Casino y

WEMA Hardware Store (San Nicolas).

Ex Compañeronan di FTA

Primo, Primanan, Famianan, Bisiñanan, Amigonan di Cas y demas Amistades:

Besaril,Rasmijn, Henriquez, Ras, Giel, MackIntosch, Croes, Wever, Dullens, Maduro, de Kort, Bisslik, de Cuba, Wernet, Colina, Luidens, Vives, Vrolijk, Arends, Donker, Trimon, Geerman.

Famia Becerrit, Seco, Palencia y demas familiares na Venezuela.

Nos disculpa cu si den nos tristesa nos por a lubida na menciona un of otro famia.

Demas conocirnan, amigonan di Barrio y en General:

Ta invita n’e acto di entiero cu lo tuma lugar Diahuebs 5 di Maart 2026 na Misa Cristo

Hefe di Seguridad Nacional di Merca ta enfrenta interrogacion fuerte riba represion di inmigracion

(AFP)—Hefe di Departamento di Seguridad Nacional (DHS) di Merca, Kristi Noem, a enfrenta critica severo di legisladores Democrata diamars tocante represion amplio di inmigracion di e administracion di Trump.

“Bao di bo liderazgo, e Departamento di Seguridad Nacional a keda sin ningun bruhela moral ni respet pa estado di derecho,” senador Dick Durbin, un Democrata di Illinois, a bisa Noem durante un audiencia di supervision di Comité Hudicial di Senado.

“Agentenan di DHS a causa caos den nos ciudadnan,” Durbin a bisa. “Nan ta patruyando camindanan cu equipo paramilitar y ta aresta y detene hende basa riba color di nan cuero, nan acento y e idioma cu nan ta papia.”

Agentenan di inmigracion a tira y mata dos Mericano durante protestanan reciente na Minnesota y Noem a haci “acusacionnan sin base di terrorismo domestico” contra nan despues di nan morto, Durbin a bisa.

Noem, den su prome aparicion dilanti Congreso desde e



tiramento, a expresa su condolencia na famianan tocante e morto “tragico” di Renee Good y Alex Pretti na Minneapolis y a bisa cu e no a yama nan teroristanan domestico.

“Mi a bisa cu tabata parece un incidente di (terrorismo domestico),” el a bisa.

Presidente Republicano Donald Trump a haci campaña pa e Cas Blanco cu promesa pa deporta miyones di migrante indocumenta, y Noem, como cabes di DHS, ta esun principalmente encarga di implementa e politica ey.

Noem a defende e accionnan

di departamento, bisa cu cruceamento di e frontera Merca-Mexico a baha te nivel historico y cu “casi tres miyones di migrante ilegal” a ser kita for di Merca durante e ultimo año.

“Nos departamento a entrega resultado historico y a haci nos comunidad mas sigur desde comienzo di e segundo termino di presidente Trump,” el a bisa.

Senador Republicano Lindsey Graham a elogiar e accionnan di aplicacion di ley di inmigracion, bisando cu e administracion di Trump a hereda un “desorden” di presidente Democrata Joe

Biden.

“Miyones y miyones di hende a dreña den e pais aki,” Graham a bisa. “Inmigracion sensato a muri bao di Biden. El a ser reemplasa pa un frontera habri sin control, simplemente caos absoluto.”

Senador Democrata Chris Coons a acusa DHS di actua anticonstitucionalmente den un intento pa cumpli cu e demanda di Cas Blanco pa un “cantidad di deportacion cada biaha mas haltu.”

“P’esey nos tin patruyanan andando, haciendo perfil racial riba cualkier hende cu nan mira y creando un ‘estado di muestra bo papelnan’,” Coons a bisa.

“P’esey bo ta dreñando den lugarnan sensitivo manera iglesia, hospital y scolnan. P’esey bo ta arestando muchanan, adultonan mayor, refugiado y personanan cu discapacidad,” el a bisa.

Noem a nenga cu DHS ta operando bao di un sistema di cuota.

“No tin cuota na Departamento di Seguridad Nacional,” el a bisa. “Ora nos ta haci operacionnan di aplicacion di

ley, nos ta haci nan riba base di aplicacion dirigi, kitando menasanan pa seguridad publico for di nos caminda y for di nos comunidanan pa asina proteha e pueblo Mericano.”

Noem tambe a urgi legisladores pa yega na un acuerdo pa pone fin na un cierre parcial di gobierno cu a corta fondo pa un parti di su departamento.

Miles di empleado publico, for di agentenan di seguridad na aeropuerto te oficialnan di asistencia pa desastre, ta ser manda pa keda cas temporalmente of ta obliga pa traha sin pago te ora Congreso aproba financiamiento.

Democratanan ta oponer cualkier fondo nobo pa DHS te ora cambianan grandi ser implementa riba e manera cu e agencia di Inmigracion y Aduana (ICE) ta conduci su operacionnan.

Nan a demanda un reduccion di patruya, prohibicion riba agentenan di ICE cu ta usa mascara y rekisito pa nan haya un orden hudicial prome cu dreña tereno priva.

Irlanda lo desplega diplomaatnan militar den embahadanan pa prome biaha

(AFP)—Irlanda a bisa diamars cu e lo manda oficialnan militar di alto rango pa embahadanan clave den exterior pa prome biaha, e ultimo paso di e miembro di Union Europeo pa fortalece su structuranan di defensa modesto.

Un “Red di Diplomaat di Defensa” lo ser estableci den embahadanan Irlandesas na Paris, Londres y Washington, cu meta pa amplia lasonan cu socionan strategico clave, minister di Defensa Helen McEntee a bisa den un declaracion.

“E decision aki ta bin den contexto di un ambiente di seguridad Europeo y internacional cu ta deteriorando y ta bira cada biaha mas desafia,” McEntee a bisa, kende tambe ta minister di Asunto Exterior di Irlanda.

E movida ta e ultimo den



un aumento progresivo di capacidadnan di defensa di e nacion insular.

Militarmente neutral, Irlanda tin un ehercito chikito y no tin ni un flota aereo di combate ni un flota naval significativo.

E red nobo lo “sirbi como un puente entre canalnan

militar y diplomatico,” un declaracion di gobierno a bisa.

Personal lo por duna “feedback riba asunto di defensa y seguridad,” e declaracion a agrega.

Siman pasa McEntee a presenta e prome strategia di seguridad maritimo di

Irlanda, pa aborda “buraconan critico” den “consciencia” di dominio maritimo.

E plan a inclui proyectonan di radar y sonar pa proteha e infraestructura di cable submarino, base naval nobo y cooperacion internacional amplia.

Dominio maritimo robusto di Irlanda ta cubri un area cu ta aproximadamente dies biaha mas grandi cu su masa teritorial, y ta un di e areanan maritimo mas grandi bao hurisdiccion nacional den bloc di EU.

Irlanda lo crea lasonan cu e Forsa Expedicionario Conhunto (JEF), un alianza lidera pa Reino Uni di 10 pais miembro—tur di nan miembronan di NATO—enfoca riba seguridad maritimo.

Documento di strategia a bisa cu gruponan di crimen

organisa y e flota “sombra” Ruso di embarcacionnan usa pa Moscu transporta petroleo sanciona ta menasa e territorio maritimo di Irlanda pa bentaha strategico y financiero.

Den ultimo lunanan, Dublin a anuncia plan pa inverti multi-biyon euro den equipo militar nobo, cu Francia identifica como socio strategico “preferi” pa suministrar.

McEntee tambe a bisa siman pasa cu Irlanda ta evaluando si lo permiti embarcacionnan Britanico y Frances patruya awa controla pa Irlanda durante su proximo turno di presidencia rotativo di EU.

Irlanda su turno di seis luna na cabes di e organisamo global, cu ta cuminsa na juli ora e organisa un cumbre pa lidernan di e bloc, tambe a aumenta critica riba su ecosistema di defensa limita.

Donald Trump a sigura cu Merca tin suministro di arma casi ilimita

(Infobae) - Declaracion di presidente Mericano ta bini despues di bombardeonan reciente di Israel riba regimen Irani na Teheran y ofensiva na Beirut contra grupo terrorista Hezbollah.

Na inicio di e cuarto dia di conflicto na Medio Oriente, presidente di Merca, Donald Trump, a declara cu su pais tin un “suministro sin limite” di arma y cu reserva di municion nunca no tabata mas halto.

“Reserva di municion di Merca, den rango medio y medio-halto, nunca no tabata mas halto ni miho. Segun mi a ser informa, nos tin practicamente un suministro sin limite di e arma nan aki,” presidente Republicano a declara.

“Guera por ser pelea pa semper — y exitosamente — usando solamente e suministro nan aki (cu ta miho cu e miho arma di otro pais!),” Trump a agrega riba red social Truth Social. Presidente a indica cu e reserva di arma “na nivel mas halto” ainda no ta loke el lo kier y a culpa su an-



tecesor, Joe Biden, alegando cu nan a ser entrega gratuitamente na Volodimir Zelenski pa Ucrania.

“Sleepy Joe a pasa tur su tempo y placa di nos pais regalando tur cos na Zelenski di Ucrania cu balor di cien miyonnan di dollar. Y aunke el a aregla hopi di e arma halto (gratis), e no a preocupa pa reemplasa nan,” Trump a cuestiona.

Trump a afirma cu el a “reconstrui” ehercito durante su prome mandato y cu ta sigui fortaleciendo esaki. “Merca ta bon abasteci y cla pa gana, grandi,” el a conclui.

Dialuna, presidente a señala cu operacion “Epic Fury” contra Iran por intensifica den proximo dianan y extende mas aya di loke tabata plania, sin exclui un escalada militar mas grandi. “Nos ni sikiera no a cuminsa dal nan duro. E gran ola ainda no a pasa. E cos grandi ta bini pronto,” el a declara.

Trump a reitera cu Merca ta “elimina” e pais Persa y cu campaña por dura mas cu cuatro o cinco siman inicialmente plania. “Mi semper a pensa cu lo dura cuatro siman. Awor nos ta un tiki mas avansa, pero nos tin capaci-

dad pa bay mucho mas leu di esaki,” el a indica.

Pa otro banda, e presidente a insisti cu e cadena di mando na Iran ta incierto despues di morto di lider supremo, Ali Khamenei, ken el a elimina den un atake dirigi. “Nan mes no sa ken ta lidera nan awor. Nos a elimina 49 di nan lidernan. Nos no sa ken ta na mando,” el a declara.

Cas Blanco tabata spera un postura mas pasivo for di paisnan manera Bahrain, Jordan, Kuwait, Qatar y Emiratos Arabe Unidos. Sin embargo, tur a bira blanco di atake Irani y a responde activamente, involucrando nan mes mas cu loke tabata anticipa. “Nos a bisa nan: ‘Nos lo cuida di esaki’, y awor nan kier pelea. Awor nan ta insisti riba involucra nan mes,” el a relata.

Riba proximo fase di operacion, Trump no a exclui despliegue di tropa terrestre si ta necesario, aunke el a priminti evita un guerra nobo na exterior. “Mi no tin problema manda tropa si ta necesario,” el a declara na New York Post, aunke a clarifica cu, pa awor,

ofensiva ta basa riba bombardeo aereo y misil.

Secretario di Defensa, Pete Hegseth, a sostene e posicion: “Nos no lo drenta den ehercicio di bisa kico nos lo o no lo haci. Nos lo bay te unda ta necesario.” Segun Pentagon, diferente di Irak y Afganistan, no lo tin ningun mision di “nation-building” ni regla restrictivo di enfrentamento. E declaracionnan aki ta bini despues di escalada di guerra cu a cuminsa diasabra cu bombardeonan di Merca y Israel riba regimen Irani, cu segun reportenan a causa morto di lider supremo Irani, Ayatollah Ali Khamenei.

Respuesta di Iran tabata un serie di atake contra Israel y base militar Mericano na Kuwait, Bahrain, Qatar, Arabia Saudita y Emiratos Arabe Uni. Por lo menos seis soldaat Mericano a muri desde inicio di operacion contra Iran.

Awe mainta, embahada di Merca na Riyadh, Arabia Saudita, a ser ataca door di drone, sin reportenan di victima te awor.

Ehercito di Israel a emiti advertencianan nobo di evacuacion na Libanon

(AFP) - Ehercito di Israel a emiti nobo orden di evacuacion pa decenas di localidad na Libanon diabierna, incluyendo advertencia pa residente den dos bario na sur di Beirut pa keda leu for di varios edificio prome di un operacion inminente.

Militer di Israel dialuna a priminti intensifica su atakenan riba pais y haci cu Hezbollah paga un “prijs halto” despues di lansamento di bom y drone for di grupo militante respalda door di Iran. “Advertencia urgente pa residente di Libanon, specialmente den e pueblonan cu nan nomber ta muestra,” un comunicado di vocero Arabe di ehercito, Avichay Adraee, a declara via Telegram, nomb-

rando 50 localidad.

“Pa boso seguridad, boso mester evacua boso casnan inmediatamente.”

Mayoria di e localidad nan ta situa den sur di Libanon, un area cu Israel regularmente ta ataca cu obhetivo di golpia infraestructura di Hezbollah.

Den otro advertencia di evacuacion, Adraee a bisa residente di bario Ghobeiry y Haret Hreik na sur di Beirut pa evita dos edificio. “Boso ta situa cerca di instalacionnan y interes di Hezbollah, contra cual IDF lo opera den futuro cercano,” el a declara.

“Pa boso seguridad y seguridad di miembro di boso famia, boso mester evacua e



edificio nan aki y esnan pega inmediatamente y keda leu un distancia minimo di 300 meter,” el a agrega.

Den un advertencia posterior, el a bisa “esnan den suburbio sur di Beirut, specialmente den bario Hadath,” pa evita un tercer edificio.

Gobierno di Libanon dialuna a tuma un paso sin preceden-

tenan, prohibiendo actividad militar y di seguridad di Hezbollah, loke a provoca reaccion fuerte for di grupo respalda door di Iran.

Hezbollah tin representacion tanto den gobierno como den parlamento, y e decision a bini oranan despues cu grupo a anuncia cu el a lansa bom y drone contra Israel mainta dialuna pa vengansa di morto di lider supremo Irani, Ali Khamenei, den atakenan

conhunto di Merca y Israel.

Israel a bombardia suburbi-onan sur di Beirut y decenas di pueblonan na sur di Libanon dialuna como respuesta.

Gobierno Libanes a informa cu atakenan Israeli a laga por lo menos 52 morto y 154 hende herida.

